

說文解字義證

說文解字第一

義證第三

曲阜桂馥學

艸木初生也象一出形有枝莖也古文或以爲艸字

讀若微凡艸之屬皆從艸尹形說

廿列

艸木初生也者本書出從艸云艸時見也時卽才字才艸  
木之初也又齒從艸中中上進之義象一出形有枝莖也  
者當云一象出形口有枝莖也韻會引徐鍇本象一出形  
覆案本書出也象艸過中枝莖益大有所生錯繁傳云  
中從一引而上行避艸始脫字甲未有岐根古文或以  
爲艸字者洪範庶艸蕃廡古文尙書作中荀子富國篇刺  
中植穀楊倞注中古艸字史記司馬相如傳揜艸蔽地漢  
書作中禮樂志中木客落地理志中昧顏師古並云中古艸  
中生龍錯傳中茅臣敘傳天造中昧顏師古並云中古艸  
字漢高彪碑獄獄生中中卽艸字見隸釋讀若微者本  
書微通也廣韻微達也尹形說者本書敘云孝平  
時微百餘人令說文字未央廷中又云博采通人

屯 難也象艸木之初生屯然而難從中貫一一地也尾

曲易曰屯剛柔始交而難生 陟倫切

難也者廣雅屯難也幽通賦紛屯迥與蹇連兮曹大家注  
屯難也東都賦紹百王之荒屯言百王屯難之後而光武  
繼之象艸木之初生屯然而難者集韻引云象艸初生  
屯然而難別易序卦屯者物之始生也唐盧氏注物之始  
生故屯難本書詩從此春艸初生亦難意 尾曲者采其  
根本書古上貫一下有根象形 易曰屯剛柔始交而難  
生者屯 卦象文

艸 艸盛上出也從中母聲 武罪切

艸盛上出也者僖二十八年左傳原田每每杜注喻晉軍  
美盛若原田之草每每然字或作每文選魏都賦蘭渚葍  
葍李注引左傳及杜注並作葍葍或借腓字魏都賦腓腓  
垌野李注腓腓美也廣雅腓腓肥也 母聲者本書緝母  
聲讀若母又曰 讀若艸母母

毒

厚也害人之艸往往而生從中從毒

徒沃切

本書楚人謂藥毒曰痛癩朝鮮謂藥毒曰癆

易師卦彖以此毒天下于寶曰毒荼苦也

厚也者毒厚聲相近木書垓蛇蟻毒長也長亦厚意單長

味其字從厚是也秦策非能厚勝之也高注厚大也昭四

年左傳天或欲逞其心以厚其毒周語厚味寔脂毒韋

注味厚其毒亟也中庸故天之生物必因其材而篤焉鄭

注言善者天厚其福惡者天厚其害漢書張騫傳身毒國

顏云今之天竺被案竺亦厚也害人之艸往往而生者

論衡言毒篇草木之中有已豆治葛倉之漆蕪頗多殺人

夫毒太陽之熱氣也天下萬物含太陽氣而生者皆有毒

螫故治在東南巳在西南被案本草中下二品藥草多毒

從毒者王君念孫曰紫傳作從申毒聲又祛矣篇云毒

說文從申毒聲陽冰云從申從埤埤出地之盛從土土可

制毒非取毒聲毒鳥代反臣錯案母何得為出地之盛方

說毒而土可制毒為不煩矣念孫案今說文無聲字者

徐鉉以李陽冰云毒字非取毒聲毒鳥代反故削之也不

知毒有代音與毒聲相近漢書地理志多厚象毒目珠璣

顏師古曰毒音代是也陽冰不得其解而改為從中從母

連母聲義皆

從土徐鉉又改爲  
從申從毒非

𦵏 古文毒從刀菑

徐鉉繫傳曰竹亦有有毒者南方有竹傷人則成笛管也審徐  
說則箭木從竹作箭 廣韻笛竹名蒲角切 異物志有竹  
日笛其大數圍節間相去局促中實滿堅強 竹譜笛與由  
衛歙體俱洪圍或累尺笛實衛空南越之居梁柱是俱注云  
笛竹安成以南有之其味苦笛音也性柔弱見三倉 山海  
經雲山有桂竹其毒傷人必死 文選吳都賦葉勞有叢劉  
淵林注勞竹有毒刺獸中之則必死 竹譜百葉參差生於  
南垂傷人則成醫莫能治亦曰勞竹歙毒若斯 集韻六止  
魚勞竹名一枝百葉有毒如莖 寰宇記臨

賀縣勞竹有毒人以為爲刺虎中之則死  
從刀菑者據繫傳作笛木書無笛字當爲管本書  
管厚也讀若篤與毒義同聲近故徐鉉以爲諸管

艸 艸初生其香分布從申從分分亦聲 撫文切

其香分布者芬分聲  
相近玉篇作芬布

𡵓 菌光地藎叢生田中從中六聲力竹切

切竹

藟生於土故曰地藟釋草中藟藟郭注地藟也今江  
東名爲土藟亦曰地藟藟案藟或作  
遼舍人爾雅本作藟藟藟藟相近

**𠄎** 籀文𠄎從三巛

本書陸子  
籍文從此

𤇗 火煙上出也從中從黑中黑熏象也

切許云

火煙上出也者列子湯問篇聚柴積而焚之煙則烟上陸機演連珠臣聞尋煙染芳熏息猶芳中黑熏象也者本書黑火所熏之色也從炎上出國馥謂炎出國如艸之出土所以爲熏象

文七

重三



百艸也從二屮凡艸之屬皆從艸

倉老切

論衡星知篇地性生艸山性生木

百艸也者方言艸艸也詩四月百卉具腓從二屮者論衡艸初生為屮屮為艸屮為艸四屮為艸言其生之

繁蕪也



上諱側羊切

玉篇莊草盛兒釋宮六達謂之莊孫炎曰莊盛也道煩盛馥謂因艸盛得為盛義

上諱者東觀漢記孝明皇帝諱陽一名莊袁山松後漢書明皇帝諱陽一名莊字子麗馥案明帝初名陽封東海王立為皇太子改名莊伏侯古今注莊之字曰嚴曹植稱嚴說恭嚴周之適楚即莊周也嚴君平嚴助皆莊姓改為嚴也趙宦光曰說文諱本朝諸帝而略西京猶禮所謂逮事

父母則諱王父母不逮  
事父母則不諱王父母

# 肱

古文莊

汗簡引  
作勞

在木曰果在地曰蒾從艸從𠂔郎果切

詩東山果臝之實臝卽此蒾本書萑萑妻果臝也臝當作蒾  
又瓜臝也臝亦當作蒾應劭漢官儀大官令有果丞掌果  
蒾菜茹周書神農爲耒耜鋤耨以墾草莽然後五穀興以  
助果蒾實郊特牲天子樹瓜華注云華果蒾也周禮甸  
師共野果蒾之薦注云果桃李之屬蒾瓜瓠之屬又場人掌  
國之場圃而樹之果蒾珍異之物注云果棗李之屬蒾瓜瓠  
之屬程君瑤田曰高誘注呂氏春秋曰果臝也散文則果  
臝二字異義說文臝作蒾以字言之田在木上曰果別果於  
木則謂草實曰蒾馥案莊子人閒世夫相梨橘柚果蒾之屬  
韓子外儲說孔子侍坐於魯哀公賜之桃與黍孔子曰黍者  
五穀之長果蒾有五桃爲下今以五穀之長雪果蒾之下是  
從上雪下也馥謂積及相梨橘柚皆果屬何果蒾者連文也  
說文解字義登卷三



在木曰果在地曰蘇者齊民要術太平御覽並引作在木  
 曰蘇篇海引作在蔓曰蘇既夕記不食菜果注云實生木  
 曰果在地曰蘇呂氏春秋貴信篇華不盛則果實不生注  
 云在木曰果在地曰蘇晉書音義在木曰果在地曰蘇班  
 馬字類史記貨殖傳果隋書音義在木曰果在地曰蘇  
 反漢書地理志作蘇郎果反說文木上曰果地上曰蘇  
 案易為果蘇京房本作果墮史記省為隋今本作隋俗語  
 也易說卦為果蘇宋衷曰木實謂之果草實謂之蘇桃李  
 瓜瓞之屬釋文云馬云果桃李之屬蘇瓜瓞之屬說文云  
 在木曰果在地曰蘇漢書食貨志瓜瓞果蘇應劭曰木實  
 曰果草實曰蘇張晏曰有核曰果無核曰蘇臣瓚曰案木  
 上曰果實曰蘇也急就篇園菜果蘇助米糧顏注木實  
 曰果草實曰蘇呂氏春秋仲夏紀果實早成淮南主術訓  
 夏取果蘇高注並云有核曰果無核曰蘇從蘇者徐鉉  
 本作  
 蘇聲

艸  
 神艸也從艸從止而切

釋草洎灌茵芝郭注芝一歲三華瑞草釋文云薺類云洎灌  
 茵芝也 論衡驗符篇芝生於土土氣和故芝艸生 孫氏

瑞應圖芝草常以六月生春青夏紫秋白冬黑木草赤芝  
生霍山黑芝生常山青芝生泰山白芝生華山黃芝生嵩山  
紫芝生高夏山谷陶云六芝皆仙草之類漢舊儀芝有九  
莖芝金色綠葉朱實夜有光後漢書馮衍傳食五芝之茂  
英注云茅君內傳曰句曲山上有神芝五種一曰龍仙芝似  
交龍之相負服之爲太極仙卿第二名參成芝赤色有光其  
枝葉如金石之音折而續之卽復如故服之爲太極大夫第  
三名燕胎芝其色紫形如葵葉上有燕象光明洞徹服一株  
拜爲太清龍虎仙君第四名夜光芝其色青其實正白如李  
夜視其實如月光照洞一室服一株爲太清仙宮第五名曰  
玉芝剖食非三官正真御史抱朴子仙藥篇草芝有獨搖  
芝無風自動其莖大如手指赤如丹素葉似莧其根有大魁  
如斗有細者如雞子十二枚周繞大根之四方如十二辰也  
相去丈許皆有細根如白髮以相連生高山深谷之上其所  
生左右無草牛角芝生虎壽山及吳坂上狀似蔥特生如牛  
角長三四尺青色龍仙芝狀如昇龍之相負也以葉爲鱗其  
根則如蟠龍麻母芝似麻而莖赤色花紫色珠芝其花黃其  
葉赤其實如李而紫色二十四枚輒相連而垂如貫珠也白  
符芝高四五尺似梅常以大雪而花季冬而實朱草芝九曲  
曲有三葉葉有三實也五德芝狀似樓殿莖方其葉五色各

其而不雜上如偃蓋中有甘露紫氣起數尺矣龍銜芝常以仲春對生三節十二枝下根如坐人凡此草芝有百二十種

楚詞山鬼采三秀兮於山陽王注三秀謂芝草也馥案嵇康憂憤詩煌煌靈芝一年三秀後漢書張衡傳冀一年之三

秀兮注云三秀芝艸也漢書武帝本紀元封二年甘泉宮內中產芝九莖連葉如淳曰瑞應圖王者敬事耆老不失舊

故則芝草生論衡驗符篇建初三年零陵泉陵女子傳寧宅土中生芝草五本長者尺四五寸短者七八寸莖葉紫蓋

紫芝也古今注建初五年芝出潁川常以六月中生一葉五歲五重春青夏紫秋白冬黑十月後黃氣出土尺五寸

孝經援神契王者善養老則芝草茂白虎通封禪篇德至山陵則芝實茂宋書符瑞志芝艸王者慈仁則生倉之令

人度世藝文志黃帝雜子芝菌十八卷黃帝內傳王母授神芝圖十二卷水經注黃帝登具茨之山受神芝圖於

黃蓋童子隋書經籍志芝草圖一卷種神芝一卷神艸也者神農本艸山川雲雨五行四時陰陽晝夜之精

以生五色神芝道甲問山圖神芝五色生於名山之陰五色雲氣覆之博物志名山生神芝不灰之草上芝為車馬

中芝為人形下芝為六畜形楚詞七諫拔舉元芝兮王注

元芝神草也衡山記衡山芝草岡有神芝靈草終葵神芝  
贊序青龍元年神芝生其色丹紫其質光耀其長尺有八  
寸五分其本圍三寸有三分上別爲三幹分爲九枝散爲  
二十六莖圍則一寸九分葉徑二寸七分其幹洪纖連屬  
有似珊瑚之形從土者徐鍇  
本作土聲讀謂作土聲者是也

𦵏

切 楚蒲瑞艸也堯時生於庖廚扇暑而涼從艸連聲治

楚蒲瑞艸也者孝經援神契王者德至山陵則澤阜出蓮  
蒲春秋濟潭巴君臣相得道度叶中則楚蒲生於庖廚陸  
機羽扇賦蓋受則於楚蒲堯時云云者涼當爲輓孫氏  
瑞應圖楚蒲王君不飲滋味庖廚不踰深盛則生於廚一  
名倚扇一名寶閣一名倚蕙生如蓮枝多葉少根如絲轉  
而風生主於飲食清涼驅殺蟲蠅堯時冬成夏生舜時生  
於廚金樓子典王篇堯有楚蒲葵菜之瑞白虎通封禪篇  
楚蒲者樹名也其葉大於門扇不搖自扇於飲食清涼助  
供養也三國志魏文帝紀注載魏文帝令云葵菜  
未值階庭楚蒲未生庖廚靈瑞未效又如彼也

艸

蕙蒲也從艸甫聲

方矩切

或作脯論衡是應篇儒者言蕙脯生於庖廚者言廚中自生肉脯薄如蕙形搖鼓生風寒涼食物使之不臭太平御覽引帝王世紀堯時廚中自生肉脯薄如髮搖則風生使食物寒而不臭名曰髮脯竹書注廚中自生肉脯其薄如筴搖動則風生食物寒而不臭名曰蕙脯

赤苗

嘉穀也從艸毀聲

莫奔切

赤苗嘉穀也者詩魏風毛傳云苗嘉穀也本書脯禾之赤苗謂之毀言脯玉色如之又脯色如毀故謂之毀毀禾之赤苗也詩生民維糜維芑傳云糜赤苗也釋文云糜音門爾雅作鹽同郭匹偉反馥案詩鳧鷖在鹽即爾雅之鹽齊民要術引爾雅作鹽郭音匹偉反者易云定天下之鹽鹽者蕙如妮其字亦從豐也夢谿筆談稷之脯色者謂之糜糜字音門以其色命之也詩有糜有芑今秦人音靡聲之記也馥案糜又作床集韻床壤地名在今秦州六書故鄭剛中曰岐山之陽種床九盛俗書糜為床米類稷可麪可餅西人飽食麪非床猶飢將家云出戰模糲乾不可食嚼

床畔芻則津液生餘物皆下咽士卒用小囊盛冥馬上遇水漬之尤美又床者自外而內又麥者自內而外蓋京以寒熟麥以饌熟故也寰宇記雍州貢紫稗粟新唐書地理志京兆郡貢紫稗粟謂此皆言蠶生於秦故云秦地宜禾也釋草蠶赤苗郭云今之赤梁粟玉篇蠶詩傳云赤苗也即今赤梁粟也廣志遼東進赤梁蠶武帝以為御膳北齊藉田種赤梁見隋書禮儀志

**𣎵** 小未也從艸合聲 都合切

**𣎵** 豆莖也從艸其聲 宋之切  
小未也者廣雅小豆荅也晉書律歷志九章商功法程菽荅麻麥一斛積二千四百三十寸

豆莖也者漢書楊惲傳種一頃豆落而為其顏曰其豆莖也潘岳馬汧督諫其得空虛願炎武曰戰國策張儀說韓王曰五穀所生非麥而豆民之所食大抵豆飯菹羹姚宏注曰史記作非菽而麥下文亦作菽古語但稱菽漢以後方謂之豆今按本草有赤小豆大豆之名本草不皆神農所晉越絕書兩貨之戶曰赤豆為下物后五十已貨之戶

曰大豆為下物石二十越絕書亦非子貢所作複案本書  
枝俗從豆是許公亦以豆非古稱也又案其或作慈孫子  
作戰篇慈杆一石曹注慈豆精也

本書慈豆皆長跪是其忌聲近

𣎵

未之少也從艸𣎵聲

虛郭切

大戴禮曾子制言篇檍檍栗藜藿而食之盧辯注藿豆  
勝之書種小豆於瓜中其藿可食 楚詞七諫蓼蟲不知徒  
乎葵菜李善注魏都賦引作葵藿王注蓼蟲處辛辣食苦惡  
不徒葵藿食甘美 曹植求通親親表葵藿之傾葉太陽  
潘岳閒居賦時藿向陽 盧諶時興詩忽忽歲云暮游原采  
蕭藿 晉書霍原傳時有謠曰天子在何許近在豆田中王  
浚以豆為藿收原斬之王隱晉書山賊意欲劫霍原謂豆者  
藿也 易林漸之乾旦種菽豆暮成藿葉 俗說王東亭當  
之吳郡就汰公宿別汰公設豆  
藿藥 傳元詩廚人進藿茹

未之少也者阮籍詠懷詩秋風吹飛藿李善引本書藿豆  
葉也本書穉幼禾也幼即少也廣雅豆角謂之莢其葉謂  
之藿名醫別錄豆葉名藿韓策民之所食大抵豆飯藿羹  
鮑注藿菽之少者公會大夫記牛藿注云藿豆葉也詩七

月亨葵及菽釋文菽本作叔藿也采菽箋云菽大豆也采之者采其葉以為藿小宛中既有菽傳云菽藿也正義菽者大豆故禮記稱啜菽飲水菽藿謂之藿白駒食我場藿傳云藿猶苗也楚詞九歎耘藜藿與驪荷王注藿豆葉也漢書鮑宣傳漿酒霍肉顏注霍豆葉也

艸部

鹿藿之實名也從艸犴聲

救久切

鹿藿之實名也者名字衍玉篇犴鹿藿實本草藿鹿藿也梁簡文帝勸醫文鹿藿止救頭痛之病釋草音鹿藿其實犴郭云今鹿豆也葉似大豆根黃而香蔓延生本草鹿藿唐本注云苗似豌豆有蔓而長大人取以為菜亦微有豆氣名為鹿豆也

艸部

禾粟之采生而不成者謂之童節從艸郎聲

魯當切

禾粟云云者釋草根童梁郭注根莠類也論語秀而不實者有矣夫詩下泉浸彼苞根傳云根童梁陸璣疏云禾秀為穗而不成則窳然謂之童粟大田不根不秀傳云根童梁也釋文引本書禾粟之莠生而不成者謂之童節也爾

重有參差等



說文解字義證卷三

八

雅釋文亦作莠。馥案諸書莠字多作莠。此謂禾粟之秀。漢諱秀。故本書作采。魯語馬頤不過稂莠。韋注稂莠也。程君瑤田有說。見本書莠下。

稂 莠或從禾

詩大田釋文並稂草也。說文作莠云。根或字也。

莠 禾粟下生。莠從艸秀聲。讀若酉。與久切。

書仲虺之誥若苗之有莠。月令藜莠蓬蒿並興。抱朴子白序荆棘叢於庭宇。蒿莠塞乎階甬。詩大田不稂不莠。傳云莠似苗也。孟子惡莠。恐其亂苗也。注云莠之莖葉似苗。稂案鹽鐵論農夫不畜無用之苗。無用之苗苗之害也。鋤一害而復苗成。鋤所以別苗也。韋昭注魯語莠草似稷而無實。昭又有問荅甫田維莠。今何草荅曰。今之狗尾也。程君瑤曰。日禾一本。惟一莖一穗。莠一本或數莖多至五六穗。穗多甚類狗尾。俗呼狗尾草。夏小正四月莠幽。說者云莠幽即秀。莠馥案魏策幽莠之幼也。似禾則莠幽不宜破字。襄三十九年左傳過伯有氏其門上生莠。晉王如作亂。令人種禾。

禾變爲莠軍敗

禾粟下生莠者徐鍇本作禾粟下陽生莠鍇繫傳曰粟下  
之陽謂禾粟實下播揚而生出於粟秕穞案秕輕而浮故謂  
其麥以其下種禾豆也穞謂禾粟下猶麥下也漢書酷吏  
傳芳盛枯穞何可不蛆也顏注莠秕穀所生也農桑輯要  
穀種浮秕去則無莠此皆言揚生莠徐鉉削一揚字而義  
不  
矣

菜實也從艸肥聲

切房末

廣雅鱣也鱣當爲鯨  
油油臙肥也臙謂臄故

神類

象實也者釋草文彼作麋詩九月叔苴傳云苴麻子也喪服傳苴經者麻之有贅者也襄十七年左傳苴經帶杖杜云苴麻之有子者取其寵也大書故凡象有贅而後漚者其皮老粗故喪服以爲斬衰疏衰之經盧君文弼曰呂氏春秋尊師篇織範屨案範是華縹之名不可爲屨此必范字之爲說文范象實也蓋麻象可以爲屨後人所謂麻屨

車力多義性

是也。穢菜齊民要術種麻種麻子各爲一物以桑爲牡麻以施爲麻子最爲明哲。

**施**

施或從麻賁

從麻賁者賁文章也。易敘卦賁飾也。鄭注文飾之貌。月令於秋則食麻。鄭注麻實有文理。馥謂此從賁之義也。淮南說林訓廣燭。愜膏燭澤四民月令曰麻。麻之有繡者。芋麻是也。一名賁。列子楊朱篇宋國有田夫常衣繡屨。淮南說山訓見賁而未成布高注。賁麻之有賁者。或借賁字。周禮司烜氏共墳燭。鄭注故書墳爲賁。鄭司農云賁燭麻燭也。襄十七年左傳正義引喪服傳馬融注。賁者宋實。宋麻之有子者。周禮草人疆梁川賁。鄭司農云賁麻也。籒人朝事之籒其寶。籒賁考工記弓人牛筋。賁濁注並云賁宋實也。有司徹。籒賁坐設於豆。西注云賁然宋實也。內則注同。釋文云賁字又作賁。徐扶畏反。大麻子木草麻賁一名麻勃。此麻花上勃勃者。唐木注云賁卽麻實非花也。

**芋**

麻母也。從艸子聲。一曰芋卽象也。

疾吏切

麻母也。者釋艸文。監本爾雅作芋。郭注甘麻盛子者。釋文作芋。云孫音嗣。說文作芋。云卽象也。盛音成。馥謂麻有籽

甲包裹以盛其子芋卽芋甲故曰麻  
母玉篇芋與芋同監木芋蓋芋之譌

**蕒**六芋也從艸異聲切羊吏

玉篇蕒連翹艸釋艸連異翹本艸蘇恭注云子作房翹出  
衆艸據此則連翹名蕒以其房也因蕒爲麻房借作藥名

**蘇**桂桂也從艸蘇聲切素孤

內則雉鄉無蓼注云鄉蘇桂之屬也王褒僮約園中拔蘇

勁蘇七發扶黃之蘇白露之茹崔駰七依酒蘇漿

卓琳鮒表方當陽強動椒紆蘇  
佩儻寶字記夏州上產蘇

桂桂也者釋草文郭注蘇桂類故名桂桂本艸綱目蘇從

蘇舒暢也蘇性舒暢行氣和血故謂之蘇蘇乃桂類而味

辛如桂故爾雅謂之桂桂通志爾雅曰蘇桂桂此紫蘇也

葉實俱良方言蘇亦桂也關之東西或謂之蘇或謂之桂

顏注急就篇蘇一名桂桂

後漢馬融傳桂桂臭葵

**桂**桂蘇從艸任聲切如甚

油可以蒸餅六書故桂白蘇也子如粟米可食亦可壓油

方言蘇沅湘之南或謂之萑郭注今長沙人呼野蘇為萑

桂荏蘇者當云荏蘇衍桂字蓋蘇類荏故名桂荏荏類蘇故名荏蘇非荏有桂荏之名也廣雅謂荏荏蘇也本草荏子味辛溫陶注荏狀如蘇高大白色不甚香其子細之雜米作糜甚肥美東人呼為燕以其似蘇字但除禾道故也

𦵏 菜也從艸矢聲失匕切

菜也者玉篇廣韻並云芙蓉也

𦵏 菜之美者雲夢之莖從艸豈聲驅喜切

菜之美者雲夢之莖者呂氏春秋木味篇菜之美者雲夢之芹片莖聲相近廣雅莖菜似蔽生水中或借莖字詩宋芑傳云芑菜也陸疏芑菜似苦菜也莖青白色摘其葉白汁出脆可生食亦可蒸為茹青州人謂之芑西河鴈門芑尤美王楸農書以芑為石莖嘉祐本草謂之白莖本草拾遺白莖似蒿莖葉有白毛李時珍綱目云莖色白折之有

汁白



菜也從艸𦰩聲

切 彊惟

菜也者一切經音義十八葵菜也隨日者也齊民要術種  
 葵法春必畦種畦省地而菜多一畦供一口尹都尉書有  
 種葵篇北史蕭大園曰露葵微尹君之錄本草園經冬葵  
 苗葉作菜茹更甘美列女傳魯漆室女傳昔晉客舍吾家  
 繫馬園中馬佚馳走踐吾葵使我終歲不食葵史記循吏  
 公儀休傳食茹而美拔其園葵而棄之成十七年左傳仲  
 元曰鮑莊子之知不如葵葵猶能衛其足杜注葵傾葉向  
 日以蔽其根家語正論解葵猶能衛其足王注葵傾葉隨  
 日轉故曰衛其足也急就篇葵非蔥韭蓼蘇黃顏注葵衛  
 足之菜傾葉而蔽日者也土虞禮夏用葵鄭注夏秋用生  
 葵繆襲祭儀夏祀和羹芼以葵陳啓源曰七月詩享葵傳  
 箋正義俱無訓釋陸氏埤雅以葵陳紫莖白莖葵當之其說允  
 矣案本草入本經上品古人種為常食有紫莖白莖二種  
 以白莖為勝大葉小華華紫黃色其最小者名鴨脚葵子  
 輕虛如榆莢仁四時皆可種經年收采有冬葵春葵秋葵  
 之名王相農書葵陽草也其菜易生備四時之饌本豐而

耐旱味甘而無毒蔬茹之要品也今人不復會之亦無種者觀此可見古人食葵以斯種為正幽風所亨定指此菜後世如宋玉賦曹植七啓王維詩所謂露葵皆是物也齊民要術言種葵法摘必待露解收必待霜降葵以露名豈以此

平

禦溼之菜也從艸疆聲

居良切

春秋運斗樞璇星散為薑失德逆時即薑有異辛而不臭稷案臭謂氣味也本草薑生健為川谷及荊州揚州圖經云處處有之苗高二三尺葉似箭竹葉而長兩兩相對苗青根黃無花實呂氏春秋本味篇和之美者陽樸之薑韓詩外傳夫薑桂因地而生不因地而辛史記司馬相如傳芷薑藟荷索隱曰張揖云芷薑子薑也案四民月令生薑謂之芷薑音紫漢書注如淳曰芷薑薑上齊也顏注薑之息生者連其株本則紫色也急就篇款東貝母薑狼牙顏注薑謂生薑乾薑也論語不徹薑食孔安國

日齋禁薰物薑辛而不薰故不去也

禦溼之菜也者禦當為御齊民要術引字林薑御溼之菜抱朴子僊藥篇引孝經援神契椒薑禦溼急就篇葵韭蔥

蘇蘆顏注蘆禦溼菜也辛而不葷故齋者不做李時珍曰蘆持汁和黃明膠熬貼風濕痛甚妙甄權曰蘆去水氣滿你錯曰蘆可以止腹痛治腳下溼

辛菜 蘆度也從艸蓼聲切

劉向別錄尹都尉書有種蓼篇 四民月令正月可種蓼夏小正五月啓蘆蘆蓼 淮南詮言訓蓼菜成行 急就篇葵韭蔥蘆蓼蘇蘆 韓休昇本草蓼有七種曰青蓼香蓼馬蓼水蓼紫蓼赤蓼木蓼紫赤二蓼葉小狹而厚青香二蓼葉相似而蒔馬水二蓼葉闊大有黑點木蓼一名天蓼蔓生葉似板葉

辛菜者詩小苾苾又集于蓼傳云言辛苦也正義云蓼辛苦之菜禮記內則貽秋用蓼門植藉田賦好辛者植乎蓼在助述異記菜之辛者謂之蓼本草水蓼唐本注云葉似蓼葉赤味辛本草又云蓼實土雷澤川澤陶云此類多人所食有三種一是青蓼人家常用其葉有圓有尖一是紫蓼相似而紫色一是香蓼亦相似而香並不甚辛而好色古今注茶蓼也紫色者茶也青色者蓼也其味辛且苦長食明目或謂紫葉者為香茶青者為青茶亦謂紫色者為



紫蓼青色者為青蓼其長大不苦者為馬蓼李時珍曰古  
人種蓼為蔬後世飲食不用惟雞用其汁六書故蓼辛菜  
也其類不一多節者味辛古人以和羹今人以為菊 蓼  
虞也者釋草謂虞蓼郭云虞蓼澤蓼孫炎云虞蓼即澤之  
所生某氏云蓼一名虞蓼太平御覽引吳晉本草蓼實一  
名澤蓼馥案諸說皆以蓼名虞蓼詩良耜以蓼茶蓼傳云  
蓼水草也水草亦虞蓼顏注急就篇蓼有數種葉長銳而  
薄生於水中者曰水蓼葉圓而厚生於澤中者曰澤蓼一  
名虞蓼亦謂之蓼而許叔重云蓼一名蓼  
虞非也馥謂爾雅師讀各異所未能詳

中祖

菜也從艸祖聲

則古切

菜也者廣雅蔬蓀也古今注荆揚人謂菹為蓀左思蜀都  
賦樊以菹圃李注引埤蒼菹蓀也後漢書馬融傳苾蓀菜  
菹李注菹其根似茅根可食名醫別錄蓀味辛蘇恭云葉  
似苽麥肥地亦能蔓生莖紫赤色多生溼地山谷陰處山  
南江左人好生食之關中謂之菹菜北戶錄苾蓀素人謂之  
菹子南都賦若其園圃則有蓼馥蓀荷李注引風土記曰  
苾蓀菜根似苽根蜀人  
所謂菹香苾蓀與蓀同

𦵏

菜也似蘇者從艸康聲

切 鱖魚

菜也者詩薄言采芑陸疏云芑似苦菜莖青白色摘其葉  
自汁出脆可生食亦可蒸為茹初學記引夏小正采芑注  
云蓮也當為康齊民要術引  
詩義疏菜苦葵青州謂之芑

𦵏

菜也似藿從艸微聲

無非切

菜也者公食大夫禮制羊牛羴羊苦菜薇皆有滑詩草蟲  
言采其薇傳云薇菜也陸疏大山菜也莖葉皆似小豆蔓  
生其味亦如小豆羴可作羹亦可生食今官園種之以供  
宗廟祭祀項安世曰薇今之野豌豆也莖葉黃實皆似豌豆  
豆而小莢可菹蜀人謂之小巢菜豌豆謂之大巢菜案大  
巢即釋艸柱夫搖車郭注蔓生細葉紫莢可食今呼翹搖  
車木草拾遺云幽州謂之茗搖又引詩義疏  
茗饒幽州人謂之翹饒即詩所云耶有旨茗

𦵏

籀文薇省

𦵏

菜也從艸唯聲

以水切

菜也音廣謂確似馬韭而黃可食

艸

菜類蒿從艸近聲周禮有蒹蒹

切

菜類蒿者玉篇蒹蒹蒿也

周禮有蒹蒹者徐鍇本句末

有是字鹽人加豆之實蒹蒹免醢釋文云蒹說文作蒹范

汪祠制曰孟

秋祭有蒹蒹

艸

菜也從艸醢聲

切

菜也者集韻醢艸名菜蘇也廣雅穰菜佳蘇也方言蘇其

小者謂之穰菜郭注蒹蒹也亦蘇之種類醢謂是雞蘇也

本草蒹讀若釐徐鍇謂蒹菜音同齊民要術引詩蒹蒹

蒹人謂雞蘇為菜直音云菜香菜菜篇海云菜與蒿通

謂即本草

之香蒿

艸

莧菜也從艸見聲

切

釋艸實赤莧郭注今莧菜之赤莖者

本草莧實一名莧實

唐本注疑莧字誤圖經云菜莧有六種有人莧赤莧白莧紫

莧馬莧五色莧馬莧郎馬齒莧也人白二莧亦謂之樨莧亦謂之胡莧亦謂之細莧其實一也但人莧小而白莧大而紫莧莧葉通紫吳人用染菜瓜者赤莧亦謂之花莧莧葉探赤細雅所謂質赤莧是也根莧亦可精藏食之甚美五色莧今亦稀有細莧俗謂之野莧豬好食之又名豬莧管子地員篇韋下於莧莧下於蒿列子天瑞篇老非爲莧淮南舊畢術青莧穀

龜得莧復生

莧菜也青莧字衍易史卦莧陸史史荀爽云莧者菜柔而根堅且赤釋文引宋衷云莧莧菜也

艸

大葉實根駭人故謂之芳也從艸云聲

下遇切

廣雅葉芋也其莖謂之蕨御覽引廣志云凡十則芋有若芋大如魁有車轂芋有芴正芋有青邊芋此四芋魁大如錡少子葉如繖蓋細色紫莖長丈餘易熟長味芋之最善者也莖可作羹臘有蔓芋縹支生大者二三升有雞子芋色黃有百果芋畝收百斛有早芋七月熟有九面芋大而面不美有蒙控芋有青芋有西芋子皆不可食莖可爲蔬又有百子芋出葉榆縣有魁芋無子生永昌風土記博士芋蔓生根如雞鴨卵馥案卽廣志所稱蔓芋漢書翟方進傳飯我豆食

說文解字義證

卷三

五

連筠移叢書

芋魁顏注芋魁者以芋根為羹也後漢書許楊傳亨

我芋魁注云芋魁芋根也史記項羽本紀士卒食芋菽索

隱芋傳間嵒山之下沃墜下有駿鴨至死不飢顏注駿鴨謂芋

也其根可食以充饑故無飢年汜勝之書有區種芋法蜀

年不收後施生亦不可食馥案崔鴻十六國春

秋李雄剋成都將民就穀於郡掘野芋而食之

大葉云云者本唐書於也吁驚語也虞下引詩于嗟乎騶

虞芋駝人即吁意廣雅芋大也詩君子攸芋傳云芋大也

許謨定命傳云許大也川澤許許傳云許許大也方言芋

大也許大也注云芋猶許也一切經音義國臂類大葉著

根之菜見之驚人故曰芋漢書東方朔傳土宜藟芋顏注

芋葉似藕荷而長不圓後漢書馬融傳藟荷芋葉注云芋

葉即芋魁也大葉其根亦可食也文選吳都賦徇踴鴨之

沃則以為世濟陽九五臣注踴鴨芋也亢陽之時踴鴨葉

大常陰其根不殊華陽國志汶

山郡都安縣有大芋如踴鴨

芋

齊謂芋為莒從艸呂聲居許切

芋

齊謂芋為莒者孝經援神契仲冬昴星中收莒芋注云莒亦芋也本草圖經云說文解字云齊人謂芋為莒陶隱居云種芋三年不采成栲栳栳二音相近蓋南北之呼不同耳顏氏家訓北人之音多以舉莒為矩惟李季節云齊桓公與管仲於臺上謀伐莒東郭牙望桓公口開而不閉故知所言者莒也然則莒矩必不同呼此為知音矣馥據此知齊呼莒如芋

中

蘧麥也從艸遽聲

切 魚

蘧麥也者字或作蘧集韻麥小者類

中

大菊蘧麥從艸菊聲

居六切

大菊蘧麥者釋草文郭注一名麥句蘧即瞿麥釋文引廣雅蘧麥麥句蘧蘧麥馥案今廣雅作蘧葳陵荻蘧麥本草瞿麥一名大菊陶注一莖生細葉花紅紫亦可愛子頗似麥故名瞿麥圖經云瞿麥苗高一尺以來葉尖小青色根紫黑色形如細蔓菁花紅紫赤色亦似映山紅二月至五月開七月結實作穗子頗似麥故以名之

艸

臭菜也從艸軍聲

詩云切

釋典慈蒜韭薺與菜爲五葷 王藻膳於君有葷桃茢注云葷薑及辛菜也馥案玉篇云葷菜所以辟凶邪也 士相見禮夜侍坐問夜膳葷注云膳葷謂食之葷辛物薺薺之屬食之以止臥 尸子昔者桀紂珍怪遠味有南海之葷、管子山權篇民之能樹瓜瓠葷菜百果使蕃育者置之黃金一斤直倉八石 荀子富國篇然後葷菜百蔬以澤量注云葷辛菜也哀公篇志不在於食葷注云葷薺薺之屬也或借若字家語五儀解作若王注若辛菜又通作薺孔安國注論語云薺辛而不薰釋文作

蕪云本或作葷同

臭菜者一切經音義十八蒼頡篇葷辛菜凡物辛臭者皆曰葷也馥案玉藻注以薺及辛菜爲葷本書言辛臭非謂惡腥孔注論語云

薺辛而不薰是也

薺

薺荷也一名薺菹從艸襄聲

汝羊切

名醫別錄薺荷中蠱者服其汁并臥其葉卽呼蠱主姓名本草蜀木圖經薺荷葉似初生甘蕉根似薑牙其葉冬枯

蕺荷也者菜屬崔豹古今注蕺荷葉似荷後漢書馬融傳  
蕺荷芋蕺注云蕺荷苗似薑根色紅紫似芙蓉可食四民  
月令九月藏苽蕺蕺一名苽蕺者御覽引一名薄苽蕺蕺  
以爲滋味一名苽蕺者御覽引一名薄苽蕺蕺  
苽也苽曹憲晉晉各反廣韻苽苽大蕺荷名急就篇老苽  
蕺荷冬日藏顏注蕺荷一名苽苽苽葉似苽其根香而脆  
可以爲苽又苽蠱毒本草白蕺荷陶云今人乃呼赤者爲  
蕺荷白者爲獲苽葉同一種爾於人食之亦者爲勝岡經  
云春初生葉似甘蕉根似薑而脆其根堪爲苽其性好陰  
在木下生者尤美閑居賦蕺荷依陰時苽同陽是也別禁  
歲時記仲冬以鹽藏蕺荷備冬儲又以防蠱急就篇苽荷  
冬日藏其來遠矣干寶搜神記外婢夫將士先得疾下血  
言中蠱家人密以蕺荷置于席下忽大笑曰蠱我者張小  
小也乃收小小小小走白此解蠱藥多用之周禮庶氏  
以嘉草除蠱毒宗櫟謂嘉草卽蕺荷是也古今注蕺荷似  
蕺苽而白蕺苽色紫花生根中花未散時可食久置則銷  
爛不爲實矣宜陰翳地種之常依陰而生楚詞九歌椒  
蕺與蕺荷王注云蕺荷苽也漢書司馬相如傳苽苦狗膽  
只注云苽苽苽荷也漢書司馬相如傳苽苦狗膽苽苽  
荷苽苽也根萌生筍可以爲苽又治蠱毒吳仁傑離騷草



說文解字義證卷三

六

通鑑卷一百一十五

木疏葉荷白許叔重以前一名菹菹至齊梁間猶呼覆菹  
覆菹音同俚俗訛耳柳宗元種白蕖荷詩庶民有嘉草攻  
贈事久泯史記司馬相如傳諸蔗蕖且漢書作已且張揖  
曰蕖其蕖荷也文穎曰已且一名已蕖顏云文說已且是  
也且音子余反蕖音替各反蕖其目蕖荷耳非已且也  
案史記傳且張揖云蕖其目蕖植索隱引郭璞說以為蕖  
荷屬是也漢書作已且文穎以為已蕖白是二物史記漢  
書各異不可強同後漢書馬融傳格非蕖于注云蕖即芭  
且一名芭蕉蕖案上文言蕖荷芋  
葉若以蕖為蕖荷豈不嫌複出乎

青非華也從艸青聲

子盈切

非華也者本書靖讀若非青一切經音義五引三蒼非之  
英曰菁廣雅非其華謂之菁周禮醢人菁菹注云菁菹非  
菹四民月令七八  
月收非菁搗作齏

蘆菹也一曰薺根從艸盧聲

落平切

廣雅菹蘆菹也通志萊菹一名雹葵一名溫菹一名紫  
花松吳名是松嶺南名秦松河朔蘆菹俗呼蘿菹鎮州者一

根可重十六斤 後漢書劉盆子傳掘庭中蘆根而食之  
隋書張威傳造家奴於民間鬻蘆根 續國志白樂天

方齋劉禹錫

饋蘆根鯉

蘆根也者一切經音義二引字林似菰紫花者謂之蘆根

郭云薺是名醫別錄薺是根莖都似人參而葉小異劉總  
新論心隱篇思與直田像若薺是之亂人參潛夫論思賢  
篇帝疾當得人參反得支羅服已而不識真

合而服之病以侵劇不自知為人所欺也

紫艸

蘆根似蕪菁實如小水者從艸服聲

請北切

蘆根似蕪菁者釋草葵蘆葩郭云葩宜為蕪蘆蕪蕪菁屬

紫花大根俗呼電葵本草蜀本圖經引爾雅舊注云紫花

葵也俗呼溫葵似蕪菁大根一名葵俗呼電葵一名蘆根

今謂之蘿苣本草蕪菁及蘆根輕身益氣可長食之陶云

蘆根是今溫葵其根可食葉不中食蕪菁根細於溫葵而

葉似松好食西川惟重此其子與溫葵甚相似齊民要術

種松蘆蕪法與蕪菁同注云蘆根實粗大其角及根葉

並可生食非蕪菁也雲南記謂州界緣山野間有菜大葉

震后陽氏

而蘿華其根若大蘿菹上入蒸煮其根葉而食之可以療  
 飢名之為諸葛菜云武侯南征用此菜子蒔於山中以濟  
 軍食餽案即蕪菁也南方草木狀蕪菁嶺嶠以南俱無之  
 獨有土人因官攜種就彼種之出地則變為芥餽案方言  
 蕪菁趙魏之郊謂之大芥其小者謂之辛芥陳藏器本草  
 蕪菁北人名蔓菁今并汾河朔間燒食其根呼為蕪根本  
 草衍義蕪菁今世俗謂之蔓菁夏則枯蔬圃復種之謂之  
 雞毛菜公食大夫禮菁菹注云菁其菁菹也蔬云即今之  
 蔓菁也書禹貢包匭菁茅傳寅引鄭注菁蔓菁也顏注急  
 就篇菁蔓菁也一日冥菁亦曰蕪菁又曰易菁齊民要術  
 應於空閑地種蔓菁蒿苳蘿菹等又云蘿菹及葵六月種  
 蔓菁七月種 實如小未者方言蔓菁蕪菁也其紫華者  
 謂之臍蕪注云今江東名為溫菹實  
 如小豆餽案本草有萊菹子是也

艸

萍也無根浮水而生者從艸平聲

符兵切

萍也無根浮水而生者非原文後人亂之萍萍猶也本  
 書蒹蒹子可以為平席平當為萍文選秋興賦注引作萍  
 席因萍為華廣韻萍一日蒲白又云萍蒹小萍小當為  
 水言蒹在水中者也禮記閼傳芣剪不納鄭注芣今之蒲

萍是也一切經音義四云萍無根浮水上者也然則唐本已亂矣蓋萍弱生於水原文當有根主水諸字淺者遂以為浮萍而改之不知本書別有萍字也李善注高唐賦引作草兒未詳又管子地員篇黑地其草宜萍倚亦不審此萍為何草

**艸** 艸也從艸臣聲 模鄰切

**萍** 大萍也從艸賓聲 符真切

大萍也者本草拾遺水萍有三種其大者曰蘋葉圓闊小許葉下有一點如水沫一名芡菜李時珍曰荇有白黃二色四葉合成一葉如田字形者蘋也夏秋開小華白色又萍白蘋詩子以采蘋傳云蘋大萍也箋云蘋之言賓也陸疏云蘋今水上浮萍是也其粗大者謂之蘋小者曰萍李春始生可糝烝以為茹又可用苦酒淹以就酒郭注爾雅萍水中浮萍其大者蘋隱三年左傳蘋蘩蕰藻之菜杜注蘋大萍也呂氏春秋本味篇菜之美者曰蘋之蘋注云蘋大萍水藻也陳啓源曰采蘋釋文引韓詩沈者曰蘋浮者曰藻今日驗此二草藻沈而蘋浮頗怪其相反案藻字

爾雅翼及玉海引韓詩皆作藻爾雅翼云蘋根生水底葉  
敷水上不若小浮萍之無根而漂浮也故韓詩云沈者曰  
蘋浮者曰藻藻音瓢卽小萍也蘋亦不沉但比萍  
則有根不浮游耳雜語良是顧案玉篇藻萍屬

**藍** 染青艸也從艸監聲

魯甘切

一切經音義九藍染草也 詩終朝采藍箋云藍染草也

月令仲夏之月令民毋艾藍以染 周禮地官敘官掌染草

注云染草藍倚象斗之屬 夏小正五月啓灌藍蓼傳曰啓

者別也陶而疏之也灌也者聚生者也張爾岐日月令五月

令民毋艾藍以染酈注此月藍始可別蓋種藍之法先蒔於

畦生五六寸許乃分別栽之所謂啓也 謝承後漢書楊震

客居湖縣以種藍自業 趙岐藍賦序余道經陳畱此境人

皆種藍染紺爲業 魏武帝內誠令公主貴人金印藍綬

王融表不自朱藍何遷素絲之質

魏志學者資於人猶藍之染素

染青艸也者本草藍實其莖葉可以染青陶云此卽今染

縹碧所用者齊民要術種藍十畝敵穀田一頃能自染青

者其利又倍矣荀子勸學篇青出之於藍而青於藍淮南

俶真訓以藍染青則青於藍韓詩外傳藍有青而綠假之

青於藍誰子素之白也染之以朱則赤染之以藍則青劉  
氏新論崇學篇青出於藍而青於藍染使然也後魏書李  
謐師事孔璠數年後璠就謐請業同門生爲之語曰青成  
藍藍謝青通志藍有三種蓼藍如蓼染絳大藍如芥染碧  
槐藍如槐染青三藍皆可作澱色成勝母故曰青出於藍  
而青於藍六書故槐藍叢生葉如槐宜爲澱蓼藍子葉皆  
如蓼而差大化紅自宜染青絳大葉如蓼宜爲澱蓼藍子  
般澱又有大藍肥蓼藍爲大而色不逮宜染碧陳啓源曰  
藍有五種秋藍堪染青蓼藍堪染碧惟馬藍可作澱三者  
華實相同而葉稍異蓼藍葉如蓼秋藍葉如白菰馬藍葉  
如苦蕒又有吳藍  
木藍皆堪作澱



令人忘憂艸也從艸憲聲詩曰安得忘艸

況袁切

令人忘憂艸也者東晉發蒙記甘肅令人不感萱草可以  
忘憂崔豹古今注欲忘人之憂則贈以丹棘一名忘憂草  
也本草圖經萱艸主安五臟利心志令人好歡樂無憂韓  
詩薛君章句諼草忘憂也惜康養生論合歡圖念萱草忘  
憂王朗與魏太子書萱草忘憂舉蘇釋勞任昉述異記萱  
草又名忘憂草吳中書生謂之療愁魏彥深萱草詩橫得

說文解字義證

卷三

九

連筠移帶書

忘憂號余憂遂不忘徐勉萱草花賦萱詩人之比興寄卉  
木以命詞惟平章之萱草欲忘憂而樹之詩曰安得薺  
艸者衛風伯兮文彼作焉得諼草傳云諼草令  
人忘憂廣雅馬安也薛綜西京賦注安馬也

或從煖

詩釋文云諼說文作憲或作諼詩淇奥終不可諼兮傳  
云諼忘也考繁永矢弗諼傳云諼忘也釋訓箋諼忘也

或從宜

營薺香艸也從艸宮聲

去弓切

博物志苳薺苗曰江薺根曰苳薺急就篇苳薺厚朴桂枯  
樓桐君藥錄橐本苗似苳薺山海經西山經號山其草  
多苳薺苳薺注云苳薺一名江薺宣十二年左傳有山鞠  
窮手杜云鞠窮所以禦溼正義云本草有苳薺者是藥草之  
名楚詞九歎莞苳薺樂於澤洲兮注云苳薺也淮南子  
論訓夫亂人者苳薺之與橐本也蛇牀之與麋蕪也此皆相  
似者許注此四者藥草臭味之相似子虛賦苳薺蒲蒲司  
馬彪曰苳薺似橐本郭璞曰今歷陽呼為江薺通典天水

御貢芍藥 元和志利州貢芍藥

新唐書地理志益昌郡貢芍藥

莖藥香艸也者本草芍藥一名胡藥一名香果其葉  
名藥燕吳音本草芍藥葉香細青黑文赤如棠本

司馬相如說營或從己

司馬相如說者藝文志武帝時司馬相如作凡將篇案凡  
將篇散見他書如黃潤纖美宜制憚等句與急就篇相似

營藥也從艸窮聲切

香艸也從艸闕聲切

楚詞秋蘭兮青青綠葉兮紫莖 陸璣詩疏蘭葉似藥草

澤蘭但廣而長節節中赤高四五尺 後漢書陳寵傳夫冬

至之節陽氣始萌故十一月有蘭射干芸荔之應注云易通

卦驗曰十一月廣莫風至則蘭夜干生 本草蘭一名水香

生大吳池澤 腹案蘭可充佩楚詞紉秋蘭以為佩漢官典

職尚書郎懷香握蘭是也又主調飲食王度記天子以香諸

侯以薰大夫以蘭芝士以簫庶人以艾宋均注禮斗威儀云  
蘭主給和調杜預七矯大羹生華蘭椒蘘芬文選七啓紫蘭  
記之 年 卷 登 六 三 止 連筠修叢書



月淑施和必節李善引鄭元曰蘭主給調和是也又作浴湯  
夏小正五月蓄蘭傳云為沐浴也幽明錄廟中道夾樹蘭香  
齋者煮以沐浴然後祭所謂蘭湯是也又可為閨房香澤陸  
氏詩疏云可蓄粉中是也又有山蘭夏侯湛賦既采蕭於大  
陸又割蘭乎崇岡是也又有澤蘭既夕禮記蒨蒿用茶實綏  
澤馬注云澤澤蘭也取其香荀子正論篇代舉而食注云翠  
益香草或曰當為澤澤蘭也本草澤蘭生汝南諸大澤旁陶  
云今處處有之多生下溼地葉微香或生澤旁故名澤蘭亦  
名都梁香可作浴湯唐本注云澤蘭莖方節紫色葉似蘭草  
而不香陶云都梁香乃蘭草爾俗名蘭香煮以洗浴亦生澤  
畔花白紫夢莖圓殊非澤蘭也陶注蘭草復云名都梁香並  
不深識也圖經云此與蘭草大抵相類但蘭草葉光潤根小  
紫五六月盛而澤蘭葉尖微有毛不光潤方莖紫節七八月  
初採微辛此為異是也馥又案漢書司馬相如傳懸圃衡蘭  
顏注蘭即今澤蘭後漢書馮衍傳播蘭芝於中庭兮注云蘭  
即澤蘭江賦櫻以蘭紅李善注蘭澤蘭炮炙論以蘭為大澤  
蘭以澤蘭為小澤蘭馥  
謂因此名稱易消耳

香艸也者本草蜀本圖經蘭葉似澤蘭尖長有岐花紅白  
色而香生下溼地宣三年左傳以蘭有國香人服媚之賈

達注蘭香草名昭八年穀梁傳艾蘭以為防注云蘭香草也楚詞九畹沅有芷兮澧有蘭注云言澧水之內有芬芳之蘭異於衆草列子臭過椒蘭荀子椒蘭必芬東京賦秋蘭被涯注云秋蘭香草古樂府蘭草自然香生於大道旁惜康高士傳蘭以香附燒趙宦光曰古蘭可佩今非其物也陳啓源曰古人以芳草為佩取其柯葉之香華不與焉益佩欲其久柯葉之香雖矮不歇華則否矣馮開今人益益所養蘭花曰蘭之稱猶桂花瑱桂樹之號耳

艸

艸出吳林山從艸發聲

古顏切

艸者當為香艸一切經音義二歲字書與蘭同蓋蘭也說文發香草也馥案廣韻發與蘭同蘭當作蘭廣雅蘭也詩漆有方采蘭兮陸疏蘭即蘭香草也韓詩傳云鄭國之俗三月土已之漆有兩水之上招魂續魄秉蘭草拂不祥薛君云蘭蘭也馥案即都梁香也廣志都梁香出淮南亦名煎澤草水經注資水云都梁縣西有小山山上有萍水既清且淺其中悉生蘭草綠葉紫莖芳風篠川蘭馨遠復俗謂蘭為都梁山因以號縣受名馬盛宏之荊州記都梁香蘭也都梁縣名有小山下有水清澗其中生蘭草名為都梁即以此縣為名也或借管字寰宇記管管山在靜樂縣

管音姦土人云其山多管草或以為名 出吳林山者中  
山經吳林之山其中多蕨草又洞庭之山其草多蕨艸

勺簞  
芳艸

𦵏

𦵏屬可以香口從艸俊聲

息遺切

復古編校別作菱菱並非 玉篇校云菱菱又菱云胡菱菱  
香菜蓋一物而異文 鹽鐵論散不足篇後花菱蘇 后崇  
奴券常種蘿蕨類菱 一切經音義二十四博物  
志張騫使西域得胡菱今江南謂胡菱亦為胡菱

𦵏屬可以香口者竊雅廉蕒校也異物志倭一名廉蕒生  
沙石中清類也其味大辛而香通志廉蕒似山蕒而根大  
一名倭既夕記侍著用茶實綬澤馬注云綬廉蕒也澤澤  
蘭也皆取其香且御涇本草胡菱味辛并汾人呼為香菱

閑居賦蓼菱芬芳李  
善引韻略菱香菜也

𦵏

𦵏蘭莞也從艸丸聲詩曰丸蘭之枝

胡官切

丸蘭莞也者釋草蕒丸蘭注云蕒丸蔓生斷之有白汁可  
啖醲案劉向九歎莞芎棄於澤州王逸注莞特蕒也復謂

莞卽芡蘭也 詩曰芡蘭之枝者衛風芡蘭文彼作支傳  
云芡蘭草也箋云芡蘭柔弱蔓延於地有所依緣則起  
陸疏云芡蘭一名羅摩幽州人謂之雀瓢蔓生葉青綠色  
而厚斷之有白汁醫爲茹滑美其子長數寸似瓠子夢溪  
筆談辨證篇詩芡蘭之支重子佩觿解結雖  
也芡蘭生英支出於葉間垂之正如解結雖

**離** 楚謂之離管謂之離齊謂之離從艸離聲 語矯切

卑替齊曰離管曰離 楚詞九思芳離兮挫枯注云離香草  
名也 山海經西山經號山其草多葍藟葍藟注云芡白芷  
別名離香草也又中山經崑崙山其草多葍注云卽離  
文選七命仰折神離李善引本草經曰白芷一名離

**離** 江離靡蕪從艸離聲 呂之切

江離靡蕪者非本書原文蓋後人亂之漢書司馬相如傳  
江離靡蕪張揖曰江離香草也靡蕪斷芷也似蛇牀而香  
張氏斷然以爲二物案傳三句同韻每句並舉二物上文  
云芡離昌蒲下文云諸栢已且中云江離靡蕪傳又云拊  
以絲慈被以江離糝以靡蕪雜以流夷此四句各舉一草  
江離靡蕪非一物又可見矣故顏師古毛晃洪興祖皆謂

蘼蕪非江蘼直取相如文加之耳然則蘼何物曰蘼也楚謂之蘼

𦰩

蘼也從艸叵聲

昌改切

離騷急維紉夫蕙蘼注云蕙蘼皆香草也其祠之皆用一蕙蘼瘞之注云蘼香草蘭之類側載臭蘼所以香身也索隱云蘼香草也漢書禮樂志蘼蘭芳顏曰蘼卽今白芷荀子勸學篇蘭槐之根是爲芷蘼也者木書蘼齊謂之蘼玉篇蘼亦蘼也又云葍自蘼葉卽蘼也九歌平英糲今葍房王注葍白芷也本草白芷一名葍一名葍蘼葉名葍蘼可作浴湯生河東川谷下澤通志澤芬曰白芷曰白蘼曰葍曰葍蘼楚人謂之葍其某謂之葍蘼與蘭同德俱生下淫故蘭蘼之香爲騷人所諷詠

𦰩

蘼蕪也從艸廉聲

廉爲切

蘼蕪也者管子地員篇五沃之土生蘼蕪春秋運斗樞維星散爲蘼蕪釋草蘼蘼蘼蘼郭注香草葉小如菱狀廣韻引字林蘼蘼蕪別名蘼案蘼謂蘼昧者以爲白蘼案管子地員篇蘼蘼白芷蘼蘼椒連五臭所校白芷與蘼蕪並

舉白非一物矣木草蘼蕪一名倣蕪一名江蘼芎藭苗也  
生雍州川澤及兔句陶隱居云今出歷陽處處人家多種  
之葉似蛇狀而香騷人借以為警圖經云其苗四五月開  
生葉似水片胡荽蛇狀輩作叢而莖細其葉倍香或蒔於  
園庭則芬馨滿徑楚詞九歌秋蘭兮蘼蕪羅生兮堂下古  
詩上山采蘼蕪下山逢故夫廣志蘼蕪香草魏武帝以藏  
衣中古今注相招則贈以蘼蕪葉蕪一名當歸淮南汜論  
訓亂人者若蛇狀之與蘼蕪又說林訓蛇狀似蘼蕪而不  
能芳高云蛇狀臭蘼蕪香郭璞贊蘼蕪善草亂之蛇狀不  
阻其實自別以芳倣人似智巧言如黃後漢書馮衍傳摛  
射于雜蘼蕪今注云蘼蕪似  
蛇狀而香其根卽芎藭也

𦵏 香艸也從艸熏聲 許云切

急就篇芬薰脂粉膏澤節 廣雅天子祭以鬯諸侯以蕪  
山海經西山經浮山有草焉名曰蕪草扁葉而方莖赤華而  
黑實臭如蘼蕪佩之可以己癢 魏略大秦國出蕪草 成  
公綏宣情賦哀蕪草之見焚 蘇子蕪以芳自燒不能去其  
香 郭注山海經云或以蕪為蕪葉失之 陶隱居云俗人  
呼蕪草狀如茅而香者為蕪草人家頗種之藥錄云葉如麻

兩兩相對今詩書家多用蕙而竟不知是何草當其台而述其實皆此類也 圖經云葉如麻兩兩相對葉方氣如麝香常以七月中旬開花至香古所謂蕙草是也或云蕙草亦此也 馥案郭謂蕙非蕙陶及圖經皆不能定南越志零陵香名燕草又

名蕙草

水篇菰從艸從水毒聲讀若督

徒沃切

水篇菰者菰菰之生於水者也詩淇奥綠竹如簣韓詩作綠菰薛君云簣積也綠菰盛如積也詩釋文云韓詩竹作菰育徒沃反云菰菰菰也郡國志只本國淇水出注引博物記有綠竹草腹謂詩人所詠即生於淇水側者竹當作菰博物記以綠竹為一草非是綠自是王芻也

艸

篇菰也從艸扁聲

方河切

釋草竹篇菰郭云似小紫赤莖節好生道旁可食又穀錄本草篇菰生東萊山谷陶注處處有之布地而生人亦呼為菰竹煮汁與小兒飲療蛇蟲有驗圖經云篇菰春中布地生道旁苗似瞿麥葉細綠如竹赤莖如釵點節間花出甚細微青





葛或借揭字離騷離騷與揭車今王注揭車亦芳草一名芝與漢書司馬相如傳揭車衡蘭應劭曰揭車一名芝與香草也

𦰩 𦰩與也從艸气聲 去乞切

𦰪 馬莓也從艸母聲 母宰切

馬莓也者廣雅莓蒲莞也類篇以為木莓子似甚郭注爾雅以前為木莓玉篇莓下引本書同莓下云實似桑椹可食酸謂玉篇之莓即爾雅之

前木書莓山莓爾雅作山莓

釋艸荅山慈郭注荅慈細莖大葉 後漢書馬融傳格北菹于注云格與荅古字通

𦰫 甘艸也從艸從甘 古三切

甘艸也者廣韻甘草藥出洮州廣雅美升甘草也急就篇牡蒙甘草菴藜屬本草甘草味甘平一名蜜甘一名美草

一名蜜草一名蔕草生河西川谷積沙山及上郡圖經云今陝西河東州郡皆有之春生青苗高一二尺葉如槐葉七月開紫花似棠冬結實作角子如畢豆根長者三四尺粗細不定皮赤上有橫梁梁下皆細根也夢谿筆談甘草枝葉悉如槐高五六尺但葉端微尖而糙澀似有白毛實作角生如相思角作一本生熟則角坼子如小圓豆極堅齟齬不破從甘者徐鍇本作甘聲

艸

艸也從艸子聲可以爲繩

直呂切

漢書蔕草青蘋張揖曰芋三棱也本草有京三棱圖經曰荆湘江淮水澤之間皆有葉似莎草極長莖三棱如削大如人指高五六尺莖端開花大體皆如莎草而好生水際及淺水中馥案玉篇芋與芋同管子小匡篇首戴芋蒲注云芋蔕也編芋與蒲以爲筴

艸

艸也從艸盡聲

徐刃切

可以爲繩者王褒僊約多取蒲芋益作繩索南都賦其草則蘆芋蘋莞李善云芋直呂切說文曰可以爲索

艸也者一切經音義三引字林蓋草名也本草蓋草味苦可以染流黃作金色生青衣川谷唐本注云此草葉似竹而細薄莖亦圓小生平澤谿澗之側荆襄人煮以染黃色極鮮好俗名紫葍草爾雅所謂王芻者也詩淇奥綠竹猗猗傳云綠王芻葍草葉王芻郭注葍草治久疥殺皮膚小蟲又就篇雷矢龍菌蓋兔盧頗注蓋草治久疥殺皮膚小蟲又詩終朝采綠箋云綠易得之菜也

艸也從艸述聲 倉聿切

艸也者徐錯曰按藥有蓬莪莖

艸也 葱冬艸從艸忍聲 而軫切

葱冬艸者葱當為忍葱忍聲相近徐錯韻譜冬忍冬艸徐鉉據李舟切韻所加本草忍冬陶注云今處處皆有藤生凌冬不凋故名忍冬唐本注云此草藤生繞覆草木上莖苗赤紫色宿蔓有薄白皮膜之其嫩蔓有毛葉似胡豆亦上下有毛花白藥紫

艸

荑楚銚弋一名羊桃從艸長聲

直良切

荑楚銚弋音釋草文彼作荑郭云今羊桃也或曰鬼桃葉似桃華白子如小麥亦似桃核葉小麥當為小果字之誤也本草蜀本圖經云子細如棗核是也詩隰有荑楚倚儺其枝傳云荑楚銚弋也箋云銚弋之性始生正直及其長大則其枝倚儺而柔順不與尋蔓草木陸疏云今羊桃是也葉長而狹華紫赤色其枝莖弱過一尺引蔓於草上一名羊桃者木草羊桃味苦寒一名鬼桃一名羊腸一名荑楚一名御弋一名銚弋生山林川谷及田野陶注云甚似家桃又非山桃子小細苦不堪啖花甚赤蜀本圖經云葉花似桃子細如棗核苗葉長弱即蔓生不能為樹廣雅鬼桃銚弋羊桃也楚詞七諫斬伐橘柚兮別樹苦桃洪注引本草羊桃味苦六書故羊桃藤長丈餘可以為綬

艸

荑也從艸劍聲

古誦切

本草有大小薊根陶隱居云大薊似虎薊小薊是貓薊葉並多刺相似圖經云小薊俗名青刺薊苗高尺餘葉多刺心出花頭如紅藍花而青紫色北人呼為十針草當二月初生二三寸時并根作茹食之甚美大薊根苗與此相似但肥

大月沈括曰子嘗至幽州見路旁生薊其甚大恐薊地因此得名馥案陳藏器云薊門以薊為名

英也考釋草英薊徐錯曰即今刺薊是

艸里艸也從艸里聲讀若釐里之切

艸也者齊民要術引字林莖草名徐錯曰按字書朝藿草一名莖也馥案五音集韻莖莖權別名本草朝藿味酸溫有毒可作浴湯一名莖草一名莖及六書故朝藿每葉輒有岐葉五六枚生細白華實如菜莢一名陸英讀若釐者釐莖也集韻釐艸名夫須也通作菜大戴禮曾子制言篇釐橡栗藜釐而食之盧辯注云藜藿史記太史公自序藜藜以藿而表赤

釐釐釐釐也一曰拜商藿從艸翟聲徒弔切

玉篇藿藜藿也昭十六年左傳斬之蓬蒿藜藿而其處之

音子小匡篇五穀不蕃六畜不育而蓬蒿藜藿並興莊子徐無鬼篇夫逃虛空者藜藿柱乎黽黽之運宗躬孝子傳桑虞喪母八十四日食百粒糝藜藿典略賊李堪等將

藜藿以給食  
張掖郡有地名藜藿

藜藿也者李壽本及集韻類篇並作藜藿  
此皆因晉語實藜於肉注家以為鳥頭遂據以改說文也  
程君瑤田曰廣雅藜藿也以藜為藜余竊有疑焉案今分  
韻說文藜藿草也而始一終亥本則曰藜藿草也一作藜  
一作藜余疑藜藿二字皆藜字之譌說文藜草也讀若藜  
載藜藿藜藿為里之切及檢廣韻藜有許竹升六二切並云  
羊蹄菜而里之切中不收藜字又藜有脫力切云藜藿別  
名藜藿藜也玉篇藜亦有二音升力升六兩切也云一名  
藜似冬藜食之醋也不以為羊蹄於藜字則云藜也廣韻  
藜與芰同以為鳥頭別名不與藜為一物矣玉篇既以藜  
為芰遂別出芰字為藜草為鳥頭別名焉又考集韻許六  
切中以藜與藜為一字云草名羊蹄也而勅六切中亦藜  
苗並見同音而異釋於藜字引字林草名似冬藜於藜字  
則云藜藿也案爾雅藜藜又云藜藜說文亦云藜藜也  
苗也又三國吳志諸葛恪傳藜條根芴化為善草余疑條  
即藜字省去艸此之所謂藜條即前諸書之藜藿藜與藜  
字蓋相通矣余故曰說文釋藜字一作藜一作藜者皆藜  
字之譌也何也据集韻藜與藜同今藜與藜又相通無則

靈石楊氏

余定說文韮為莖也云者猶言條苗也云爾且苗音與笛  
 同笛周禮笙師職作籥讀為滌漢書敘傳六世航航其欲  
 澈澈注云頤六四爻辭今易作逐逐子夏傳作攸攸然則  
 逐字古有滌音籥從逐固亦宜有逐音也所以莖苗字皆  
 有許六敕六諸翻切音既相通義亦因之相貫以之命名  
 自可互為一物余定說文韮字之釋為莖蓋亦求之聲音  
 字形有四通六闕之妙而非欲逞其臆見也是故說文之  
 為莖也莖與莖字形相似其為莖也莖與莖聲實相同廣  
 雅玉篇廣韻集韻或以莖為莖或以莖為莖或以莖為莖  
 或以莖為莖展轉承襲蓋未能詳全謂莖為莖莖之與  
 莖字形尤易錯互今稍條理之以俟達者一曰拜商禋  
 者釋草文彼作莖讀如敵戰之敵幽黃謂之莖莖也程君瑤  
 楚人謂之莖莖讀如敵戰之敵幽黃謂之莖莖也程君瑤  
 田曰爾雅拜莖莖莊周書田開之操拔莖以待門庭余謂  
 拔莖即拜莖蓋以拜為埽埽聲轉之故謂之拔莖詩勿剪  
 勿拜鄭箋拜之言拔也說文釋莖莖字別出一曰拜莖莖之  
 文可知音莖之非莖也蓋灰莖之類而非灰莖  
 故謂之拜莖莖馥案梁簡文勸醫文作灰條菜

艸

莖艸也從艸及聲讀若急

居立切

堇艸也者堇當爲堇後人據爾雅改之也廣雅堇菹也亦當爲堇又筆蔡也華當爲堇玉篇堇堇也堇亦當爲堇釋草芟堇艸郭注卽烏頭釋文云案本草蒟蒻一名堇艸一名芟非烏頭也讀若急者集韻蒟艸名蒟蒻也玉篇堇

艸 山莓也從艸弁聲

子賤切

山莓也者釋草文彼作莓郭云今之木莓也實似熊莓而大亦可食玉篇莓實似桑椹可食其解箭字云玉篇草可爲帝

毒艸也從艸移聲

莫侯切

毒艸也者集韻蒹毒艸名葶藶也中山經熊耳之山有草焉其狀如蘇而赤花名曰葶藶可以毒魚後漢書劉玄傳遺李松曾朱鮪與赤眉戰於葶藶注云葶音莫老反字林云毒草也因以爲地名楊震傳追前功封葶亭侯郡國志云農故桃林有務鄉注云赤眉破李松處馥案誤寫從力之務故音隨形變



艸 卷目也從艸務聲 込考切

卷目也者玉篇務毒艸也郭注爾雅引或說云荅目形似鼠目叢生如盤徐鍇曰茵屬生朽潤木根楚詞九思哀目兮充房王注哀目惡艸也復參此與詩之卷目名同物異

人蔘 人蔘藥艸出上黨從艸浸聲 山林切

人蔘藥艸者當為苦艸謂苦參也一切經音義十一蔘說文作蔘苦草也其類有多種謂丹蔘元蔘等也急就篇遠志續斷參土瓜頗注參謂人蔘丹蔘紫蔘元蔘沙蔘苦蔘也廣雅地精人蔘也禮斗威儀君乘木而王則人蔘生春秋溼斗樞搖光星散為人蔘廢江淮山瀆之利則搖光不萌人蔘不生神農本草立夏之日蜚廉先生為人蔘茯苓使主腹中七節保神守中潛夫論思賢篇治疾當得人蔘反得支羅服出上黨者本草人蔘如人形者有神生上黨山谷范子計然人蔘出上黨狀類人者善新唐書地理志太原上黨貢人蔘異苑人蔘一名土精生上黨者佳人形皆具能作兒啼音有人掘之始下數鐮便聞土中有艸聲尋音而取果得一頭長二尺許四體畢備而髮有損缺

處將是掘傷所以呻也廣五行記隋文帝時上黨有人宅後每有人呼聲求之不得去宅一里但見一人參枝苗掘之人地五尺得人參一如人體狀去後呼聲遂絕

𦵏

𦵏葵也從艸攴聲

洛官切

𦵏葵也者本書莧字訓同廣韻莧一日莧也廣雅莧莧葵也腹案莧莧純莧絲莧顏氏家訓梁世有蔡朗譯純既不涉學遂呼純為露葵是也

𦵏

艸也可以染畱黃從艸戾聲

郎計切

艸也者本書綴帛戾艸染色驗讀若戾草戾當作戾廣雅莧戾染草也鄭注周禮典染戾草謂之紫蒨陳啓源曰詩采絳卽本草之藍草說文謂之戾草可以染畱黃漢書諸侯王盤綬皆灼云藍草似艾可染黃因以名綬皆謂此藍本作綴與戾同郎計反小雅采絳與采藍並傳以其皆染草也 可以染畱黃者廣雅畱黃綠也環濟要略正色有五謂青赤黃白黑也閨色有五謂紺紅縹紫流黃也古詩大婦織綺羅中婦織流黃張載擬四愁詩佳人贈我筒中

布何以報  
之流黃素

𦵏

𦵏也從艸收聲

渠遙切

𦵏也者本書花一日𦵏茅詩毛傳同蓋後人據爾雅改之釋草𦵏𦵏郭云今荆葵也似葵紫色謝氏云小草多華少葉葉又翹起廣雅荆葵𦵏也詩東門之枌視爾如𦵏傳云𦵏花茅也陸璣疏云𦵏茅一名荆葵似蕪菁華紫綠色可食微苦羅願曰荆葵花似五銖錢大色粉紅有紫文縷之一名錦葵

𦵏

蒿也從艸𦵏聲

房脂切

蒿也者玉篇  
𦵏蒿似著

𦵏

艸也從艸禹聲

王矩切

𦵏

艸也從艸夷聲

杜兮切

艸也者玉篇從弟作  
第音題引本書同

艸

艸也從艸辟聲

私列切

艸也者漢書司馬相如傳薛莎青蘋音義云薛蘋蒿也王  
篇薛莎也洪武正韻六韻義薛莎是以莎草為雨衣也  
酸案郭注爾雅萃蘋蕭云今  
輯蒿此與莎異所未能詳

艸

大苦苓也從艸古聲

康杜切

大苦苓也者苓當為論本書苓  
大苦也釋草同酸案即黃藥也

艸

艸也從艸音聲

步乃切

艸也者廣韻作蓓云黃蓓草也酸案北方苦屋者是也  
齊民要術凡穀田二月上旬及麻苦楊生種者為上時

艸

蓓從艸音聲一曰蓓英

於力切

蓓者蓓當為呂木書呂下引質侍申說蓓呂實也禮含  
文嘉夏姬氏祖以薏苡生吳越春秋絲娶於有莘氏之女  
名曰女嬃年壯未嫁於砥山得薏苡而吞之意若為人  
所感因而妊娠剖脅而產高密後漢書馬援傳初援在交

陸常領薏苡實用能輕身省慾以勝瘴氣本草薏苡仁一名解蠶一名屋茨一名起實一名薏生真定平澤及田野陶云真定縣屬常山郡近道處處有多生人家出交趾者子最大彼上呼為絳珠馬援大取將還人競以為珍珠也故案廣雅薏苡實薏苡也集韻薏苡子芋即蘇字六書一曰薏苡者抱朴子仙藥篇薏花與薏花相似直以甘苦別之曰薏苡甘而薏苦諺所謂苦如薏者也故案薏苡即似薏之華楚辭夕餐秋菊之落英薏苡亦稱英

艸部 菅也從艸矛聲 莫交切

易泰卦拔茅連茹 詩靜女白茅包之箋云茅絮白之物也禹貢包匭菁茅鄭注茅有毛刺曰菁茅 吳錄地理志零陵有香茅任土貢之御覽引風俗通謹按詩曰手如柔荑荑者茅始熟中穰也既白且滑 本草茅根陶隱居云此即今白茅其根如渣片甜美嘉祐圖經春生可布地如針俗間謂茅針亦可噉夏生白花皆然至秋而枯其根至潔白亦甚甘美 獨斷天子大社五色土以諸侯所封之方色且以白茅授之謂之授茅土 僖四年左傳爾貢包茅不入王祭

不供無

以編

菅也者詩白

華露彼菅茅

艸

菅也從艸官聲

古顏切

成九年左傳無棄菅蒯 既夕禮菅筭三

其實皆論 六韜吾觀其野草菅勝殺

茅也者廣雅同詩白華菅兮傳云白華野菅也已漚為菅

箋云白華於野已漚名之為菅菅原忍中用矣正義云漚

之柔韌異其名謂之為菅因謂在野未漚者為野菅也詩

東門之池可以漚菅陸疏云菅似茅而滑澤無毛根下五

寸中有白粉者柔韌宜為索漚乃尤善矣釋艸白華野菅

郭云菅茅屬西山經天帝之山下多菅蕙注云菅茅類也

南山經白菅為席注云菅茅屬也楚詞招魂叢菅是會些

注云菅茅也淮南齊俗訓必有菅屬趾跡高云菅茅也漢

書賈誼傳若艾草

菅然顏云菅茅也

艸

艸也從艸斬聲江夏有斬春亭

渠支切

說文解字義證

卷三

三

靈丘楊氏采

艸也者蘄通作片列子客有獻片者鄉豪取而嘗之蚘於口慘於腹也江夏有蘄春亭者亭當爲縣漢志江夏郡有蘄春縣史記楚世家秦將王翦破我軍於蘄馭案楚東徙都壽春故軍破於蘄元和郡縣志蘄春縣因蘄水爲名蘄水西南經縣三里源出東北大浮山一名蘄山寰宇記按地名解之蘄春以水隈多蘄菜因爲名十道志蘄州蘄陽郡秦屬九江郡漢蘄春縣地廣韻晉孝武鄭后諱春改爲蘄陽周平淮南改爲州因蘄水以爲名蘄聲者本書無

蘄字

艸

艸也可以作席從艸完聲

胡官切

周書文傳解潤澤不殺樹之竹葦莞蒲穆天子傳爰有葦葦莞蒲注云莞蔥蒲或曰莞蒲齊名耳關西云莞大戴禮勸學篇譬之如沔邪水潦濁焉莞蒲生焉本書

說字言義與此莞同疑一字有正文或體之別

可以作席者玉篇莞似蒲而圓可爲席白帖東方朔曰孝文以莞爲席列子釋文莞似蒲而圓今之爲蓆是也楊承慶字統音關一切經音義十此草外似蔥內似蒲而圓廣雅謂之蔥蒲可以爲蓆生水中今亦名莞子也書顧命敷

重豐席王肅曰豐席莞詩斯干下莞上簟箋云莞小蒲之  
席也釋文云草叢生水中小莖圃江南以為席形似小蒲而  
實非也喪大記君以簟席大夫以蒲席士以蓆席注云三  
者下皆有莞馥案所謂下莞上簟也周禮司几筵設莞筵  
紛純主褻僮約極莞織蓆注云莞小草可以為席江表傳  
黃門從某未宮中莞席本草燈心草叢生莖圓細而長直  
人以為席六書故莞小蒲也莖葉圓長叢生如菁可以為  
席剔取其莖中虛白者可以漬油然鍠故又謂之鍠心草  
蒲類而小故謂小蒲

𦵏

莞屬從艸閏聲

良刀切

莞屬也者字林同廣雅莞蘭也玉篇蘭似莞而細可為席  
急就篇蒲蒹蒹席帳帷幃顏注蘭草名亦莞之類也蒲蒹  
可以為薦蒹草可以為席范子計然六尺蘭席出河東上  
價七十蒲席出三輔上價百袁宇記蒲州土產蘭席晏氏  
類要河中府貢蘭席

𦵏

黃蔭職也從艸除聲

直魚切



黃陸職也者職玉篇作職云蕨草葉似酸漿夏小正作職  
云三月采職傳云職草也釋草作職云職黃陸郭注職草  
葉似酸漿華小而白中心黃江東以作菹會顏氏家訓書  
證篇江南別有苦菜葉似酸漿其花或紫或白子大如珠  
熟時或赤或黑此菜可以得勞案郭璞注爾雅此乃陸黃  
陸也今河北謂之龍葵葉案陳藏器云苦識味苦寒葉極  
似龍葵但龍葵子無殼苦識子有殼人亦呼為小苦耽古  
今注苦識一名苦識子有裹形如皮弁始生青熟則赤裹  
有實正屬如珠亦隨裹青赤長安兒童謂為洛神珠一日  
王母珠一日皮弁草本草苦耽苗子苦寒生故墟垣墮開  
高二三尺子作角如撮口袋中有子如珠熟則赤色又有  
一種小者名苦識飯案小者名苦識即陳藏器所云小苦  
耽但作角與有裹異日本草苦識即苦參葉似槐花黃色  
結角如蘿藦子內子二三粒如小豆而堅根味苦又苦參  
一名水槐一名苦識陶云葉極似槐樹故有槐名花黃子  
作英根味至苦惡額案此結角者即苦耽耽參聲相近一  
物重出實非苦識也

水艸

水艸也可以作席從艸浦聲

切

蒲

蒲子可以為平席從艸弱聲而切

水艸也者莞蒲之屬生於水者也藝文類聚引山海經孟子之山其草多蒲馥謂山中有水而蒲生非謂生於山上也孝經拔神契蒲益晚後漢書劉寬傳吏人有過但用蒲鞭罰之可以作席者廣韻蒲草名似蒲可以為席北堂書鈔引三禮圖士蒲筵長七尺廣三尺三寸無純芻子不芻篇與時屈伸柔從若蒲葦注云蒲葦所以為席可卷者也書顧命敷重席馬注底青蒲也王注同文二年左傳姜緘蒲杜云家人販席王葆連用湯履蒲席東觀漢記郭丹師事公孫昌敬重常持蒲編席漢書史丹傳頓首伏青蒲上服虔曰青緣蒲席也盧湛云凡辟祭坐以蒲薦青布練褥其事從約也本草有敗蒲席陶隱居云人家用席皆是莞草而薦多用蒲

蒲子可以為平席者藝文類聚引作蒲子也可為薦御覽引可以為薦鄭康成說深蒲云蒲始生水中子鹽鐵論散不足篇古者無茵席之加旃蒨之美其後大夫士復薦草緣蒲半單莞今富者繡綺翟采蒲子露林考工記故茲其幅廣以為之弱注云弱蒲也今人謂蒲木在水者為蒲是其類也詩韓奕維筍及蒲傳云蒲蒲弱也陸疏云蒲周

禮以為蒲謂蒲始生故其中心入地蒲大如指白生暇之  
 甘脆又黃以苦酒如食筍法大美古今注揚州人謂蒲為  
 斑杖不知食之書顧命敷重篋席王肅注篋席織弱草席  
 蓋蒲席也復案木書云周書曰布重其席織弱席也周禮  
 司几筵加緹席注云緹席削蒲弱展之編以五采若今令  
 歛矣楚詞招魂弱阿拂壁注云弱弱席顏注急就篇弱謂  
 蒲之柔弱者也蒲弱可以為席宋起居注劉頌奏風聞廣  
 州刺史作白席三百二十領復案山海經祠用白蒲為席  
 是白席即白蒲席謂弱也釋名蒲萃以蒲作之其體平也  
 東觀漢記傷帝詔省荏弱平簞輟案蒲平平簞并當為萃  
 廣韻萃蒲白又云荏弱小萃小當為水言在水中也文選  
 秋興賦藉芡芡弱李善引本書作華席萃華形近致誤禮記  
 閒傳芡弱不納注  
 云萃今之蒲萃也

𦰩

蒲弱之類也從艸深聲

式箴切

蒲弱之類也者疑之類二字有誤周禮鹽人  
 深蒲鄭司農云深蒲蒲弱入水深故曰深蒲

𦰪

推也從艸推聲詩曰中谷有推

他回切

荏也者釋草荏荏郭注今荏蔚也葉似荏方莖白華華生節間又名益母李巡云臭穢草也本草荏蔚子味辛一名益母生海濱池澤陶云今處處有葉如荏方莖子細長三棱陳藏器云此草田野閒人呼為鬱臭草曹植詩田園繁蓬臭蔚棄之乎遠疆詩曰中谷有荏者王風中谷有荏文傳云荏離也釋文云爾雅云荏也韓詩云荏蔚也黃雅又名益母陸疏云舊說及魏博士濟陰周元明皆云荏蔚是也韓詩及三蒼說悉云益母故會子見益母而感案本草云益母荏蔚也一名益母故劉歆曰荏臭穢臭穢即荏蔚也六經正誤詩中谷有荏毛傳荏鴝也鴝即荏字借用也馥案詩大車釋文離本亦作荏是荏多借離

**艸** 艸多兒從艸佳聲 臧追切

艸多兒也者非原文後人亂之增韻云荏一名荏說文鬱也韓詩云荏蔚也馥案鬱即陳藏器所云鬱臭艸廣韻荏

荏荏又名益母

**艸** 缺盆也從艸圭聲 苦圭切

靈石楊氏菜

缺盆也者釋草文假作缺蓋郭云覆蓋也實似莓而小可  
食廣雅缺盆陸英母也本草蓬蘽一名覆盆又出覆盆子  
條陶云蓬蘽是根名覆盆是實名李云即是人所食莓爾  
衍義云覆盆子長條四五月紅熟秦州甚多永興華州亦  
有及時山中人採來賣其味酸其外如荔枝櫻桃  
許大軟紅可愛蜀本引切韻每音茂其子覆盆也

艸部

牛藻也從艸君聲讀若威

栗煩切

牛藻也者釋草文郭云似藻葉大江東呼為馬藻詩子以  
采藻陸疏藻水草也生水底有二種其一種葉如雞蘇葉  
大如箸長四五尺其一種莖大如釵股葉如蓬蒿謂之繁  
藻扶風人謂之藻聚其發聲也讀若威者本書威姑也  
馥案威姑即君姑顏氏家訓書證篇或問東宮舊事六色  
屬綴是何等物當作何音答曰按說文云若牛藻也讀若  
威音從塲塊反即陸機所謂衆藻葉如蓬者也郭璞注三  
蒼亦云蘊藻之類也細葉蓬蒿生然今水中有此物一節  
長數寸細葉如絲圓繞可愛長者二三十節猶呼為若又  
寸斷五色絲橫著線股間繩之以象若艸用以飾物即名  
為若於時當細綴六色屬作此若以  
飾組帶張敞因造絲房畏耳宜作限

艸

夫離也從艸院聲

前官切

饒與前莞字音義同

夫離也者釋草莞符離其上蒲郭云今西方人呼蒲為莞蒲謂其頭臺首也今江東謂之符離西方亦名蒲中莖為蒲用之為席腹案本草白芷一名莞一名符離此誤也釋草荳夫王郭云荳草生海邊似莞蒲今南方越人采以為席陳藏器云荳荳一名江離子似莞生海邊可為席藪謂荳有江離之稱因誤以符離為白芷荳荳皆莞藪之屬可為席者也漢書東方朔傳莞蒲為席顏曰莞夫離也今謂之蔥蒲元和郡縣志符離縣爾雅曰莞符離也以地多此草故名

艸

夫離上也從艸隔聲

力的切

夫離上也者某氏爾雅注引本草云白蒲一名符離楚謂之莞蒲其上臺別名蒲玉篇蒲蒲謂今蒲頭有臺臺上有重臺中出

黃即蒲黃

艸

芣苢一名馬易其實如李令人宜子從艸曰啓周書

所說 羊上切

芣苢一名馬易者廣雅當道馬易也廣韻澤芣藥草車前  
 別名韓詩傳直曰車前翟曰芣苢詩采芣苢傳云芣苢  
 馬易馬易車前也陸疏云芣苢一名馬易一名車前一  
 當道喜在牛迹中故曰車前當道也今藥中車前子是  
 也幽州人謂之牛舌草可嚮作茹大滑其子治婦人難產  
 釋草芣苢馬易馬易車前郭云今車前草大葉長穗好生  
 道邊江東呼為蝦蟆衣本草車前子味甘寒無毒養肺強  
 陰益精令人有子一名當道一名芣苢一名蝦蟆衣一名  
 牛遺一名勝易生真定平澤邱陵阪道中神仙服食經車  
 前實雷之精也八月采地衣地衣者車前實也新唐書地  
 理志盛山郡貢芣苢實韓詩芣苢傷夫有惡疾也薛君曰  
 芣苢澤溼也芣苢臭惡之草詩人傷其君子有惡疾人道  
 不通求已不得發憤而作以事興芣苢雖臭惡乎我猶采  
 采而不可已者以興君子雖有惡疾我猶守而不離去也列  
 女傳蔡人之妻者宋人之女也既嫁於蔡而夫有惡疾其  
 母將改嫁之女曰夫不幸乃妾之不幸也奈何去之適人

之道一與之醺終身不改不幸遇惡疾不改其意且夫采  
采芣苢之章雖其具惡猶始於採采之終於懷擷之浸以  
益親況於夫婦之道乎彼無大故又不遭妾何以得去終  
不聽其母乃作芣苢之詩文選辨命論并詩歌其芣苢李  
善云母耕魯人字伯牛以德行著名有惡疾馥案芣苢能  
已腐故母子興歌說韓詩者皆以芣苢爲澤瀉考其說蓋  
有所因莊子至樂篇遺續之衣生於陵屯則爲陵易司馬  
彪云化作車前改名陵易一名澤易龍續之衣卽本草及  
郭注所謂蝦蟆衣也化作車前改名陵易澤易是芣苢爲  
澤瀉也又案詩言采其蕢傳云蕢水易陸疏今澤瀉也其  
葉如車前艸大其味亦相似然則車前澤瀉實二物以形  
狀相近而得通稱也其實如李令人宜子周書所說者  
周書王會解康民以桴桴桴桴者其實如李食之宜子孔  
晁注康民戎別名也食桴桴桴卽有身隔注本草云韓詩乃  
言芣苢是木似李食其實宜子孫皆爲謬矣郭璞芣苢贊  
車前之草別名芣苢王會之云其實如李名之相亂在平  
疑似詩芣苢釋文云山海經及周書王會皆云芣苢木也  
實似李食之宜子出於西戎衛氏傳及許慎竝同此王肅  
亦同王基已有駁難也馥案衛氏傳衛宏詩傳也王基駁  
云王會所記雜物禽獸皆四夷遠國各齎土地異物以爲



貢賁非周南  
婦人所得采

𦰩 苑藩也從艸尋聲 徒含切

苑藩也者釋草文彼作苑藩郭注生山上葉如韭一日蜺  
母本書芪芪母也米草云知母一名蜺母一名蠅母一名  
韭逢一名沈燭一名蠅生河內川谷陶注今出彭城形似  
莖滿而柔潤葉至難成掘出隨生須枯燥乃止 尋聲也  
者本書  
無尋字

𦰪 尋或從爻

尋或從爻者爾雅從爻釋文云說文云或作尋是尋為正  
文尋乃或體本書尋從彡云與叢同意叢謂叢從爻尋亦  
當從爻說  
見尋下

𦰫 艸也從艸殼聲 古歷切

𦰬 艸也從艸區聲 去鳩切

艸也者玉篇蔴烏蔴也廣韻蔴烏蔴草名釋草蔴亂注云江東呼為烏蔴釋文云蔴郭音邱說文云烏蔴草也張揖云未秀日烏蔴

艸也从艸固聲古慕切

艸也从艸幹聲古案切

諸蔗也从艸諸聲章魚切

諸蔗也者廣雅王延諸蔗署預也子虛賦諸柘已甚張揖曰諸柘甘柘也古文施蜀都賦黃甘諸柘注云諸柘甘蔗也馥案南齊書扶南國傳有甘蔗諸蔗分為二物西京雜記諸蔗二十五區本草甘蔗味甘平陶云蔗出江東為勝廬陵亦有好事者廣州一種數年生皆大如竹長丈餘取汁以為沙糖甚益人又有荻蔗節疏而細亦可噉也蔗有兩種赤色名崑崙蔗白色名荻蔗出蜀及嶺南為勝蜀本圖經云葉似荻高丈許有竹荻二蔗竹蔗莖粗出江南荻蔗莖細出江北霜下後竿其汁為沙糖通俗文荻州出竿蔗或作甘柘一物也荻州圖副百里洲特宜五果甘柘梨蔗

於此是出永嘉郡記樂成縣菰子浦出好甘蔗靈石楊氏資  
州土產甘蔗南州異物志僊耳夷食諸異物志甘蔗遠近  
皆有交阯所產特醇好本末無厚薄其味甘園數寸長丈  
餘頗似竹斷而食之既甘生取汁爲飴飴益珍煎而暴之  
之凝如冰吳錄地理志交阯句扁縣甘蔗大數寸其味醇  
美異於他處竿以爲錫暴之凝如冰破如博碁入口消釋  
南方草木狀諸蔗一曰甘蔗交阯所生者園數寸長丈餘  
類似竹斷而食之甚甘竿取其汁曝數日成節入口消釋  
彼人謂之石密南人云甘蔗可消酒司馬相如樂歌太尊  
煎漿析朝醒是其義也秦康六年扶南國貢諸蔗一丈三  
節楚詞招薳鵲隨炮羔有柘漿些注云柘諸蔗也取諸蔗  
之汁爲漿飲也容齋四筆子虛賦所云諸柘已且諸柘者  
甘蔗也蓋相如指言楚雲夢之物漢郊祀歌秦尊柘漿亦  
謂取甘蔗汁以爲飲張協諸蔗賦控斯蔗而療渴若漱醴  
而含蜜清津滋於紫梁流液豐於朱橘李伯仁七款副以  
甘蔗豐宏誕節纖液玉津旨於飴蜜唐書摩揭陀傳太宗  
遣使取熬糖法卽詔揚州上諸蔗非瀋如其劑色味愈西  
域遠甚盧諝祭法冬祀用甘蔗范汪祠制孟冬祀用甘蔗  
曹植嬌志詩都蔗雖甘杖之必折  
馮衍竹杖銘都蔗雖甘猶不可杖

𦵏 諸蔗也從艸庶聲之夜切

𦵏 𦵏可以作縻縶從艸𦵏聲女庚切

𦵏 𦵏可以作縻縶者徐鍇以為𦵏之屬𦵏案樂牛轡縶汲縶𦵏𦵏也所以繫縻縶

𦵏 艸也從艸賜聲斯義切

𦵏 艸也從艸中聲陸宮切

𦵏 王貧也從艸負聲房九切

王貧也者廣雅王曰貧也玉篇貧小豆四月王貧秀也管子地員篇其種大貧細貧詩七月四月秀萋傳云萋萋草也箋云夏小正四月王貧秀萋其是乎萋案穆天子傳芋

貧萋萋是萋貧不同物月令孟夏之月王瓜生注云今月令云王貧生呂氏春秋孟夏紀作王苦生高注法或作瓜

瓠瓢也馥案苦即貧郭注穆天子傳貧今苦字漢書宣帝紀貧陽宮東方朔傳作倍陽顏注倍陽即貧陽也禹貢陪

尾山或作負尾山本草貧生田中葉青刺人有實七月采

說文解字義證卷三

天

靈石楊氏

陰乾馥案七月采與夏小正之四月秀不合

艸也味苦江南食以下氣從艸天聲鳥浩切

艸也者本書薊菜也釋草鉤菜郭云太如拊指中空莖頭有蛭似薊初生可食釋草又云菜薊其實菜注云菜與薊莖頭皆有薊臺名菜即其實也本草苦菜屬本經云子若猶薊莖圓無刺五月采苗堪生噉所在下溼地有之味苦江南食以下氣者本書薊引作劉向說此味苦菜也江南爾雅釋文引作江東

艸也從艸弦聲胡田切

艸也從艸關聲關籀文囿于枚切

關籀文囿者徐鉉據徐鍇繫傳加之

艸也從艸孚聲芳無切

兔瓜也從艸寅聲翼真切

兔瓜也者釋草文彼作菰太平御覽引孫炎云  
案釋草下文云蒴藋豕首孫以蒴字屬上本書豕首亦  
無蒴字豎疑釋草原文當云黃菰瓜瓜蒴豕二名說文但  
舉兔瓜也雲南人多賣者謬為土瓜形似扁蓋顏色白食  
之甘脆

艸

馬帚也從艸并聲

薄經切

艸

水邊艸也從艸猶聲

以周切

馬帚也者釋草文注云似著可以為掃彗廣雅馬帚屈馬  
第也玉篇植訓也管子地員篇篲下於莽莽下於蕭李時  
珍曰此即蒿草謂其可為馬刷故名馬帚今河南人謂之  
鐵掃帚或借草字夏小正七月草秀傳云草也者馬帚也

水邊艸也者釋草舊蔓于郭云多生水中一名軒于江東  
呼菰孫炎注帶登蒿山遭菰芋草毒將成得蒜嚼之乃解  
子虛賦菰間軒于張揖曰軒芋菰草也生於水中揚州有  
之後漢書馬融傳格菰菰于注云于軒于也一名菰生於  
水中淡本草拾遺菰草生水田中狀如結縷草六書故今  
魚腥草又名水生草細葉黃花酸案管子地員篇其草魚

腸胃皆魚腸即魚腥非猶艸

艸 艸也從艸安聲 烏肝切

紫 紫月爾也從艸紫聲 渠之切

紫月爾也者釋草文釋文引作土夫程君琰曰爾雅芷夫王句紫月爾句釋文所引是許氏原文爾雅芷夫為一句今說文係後人據郭注而改者錢君大昭曰釋草芷夫王紫月爾陸氏釋文引說文紫土夫也則土夫也王紫也月爾也一物三名郭璞以芷夫為一物云芷草生悔過似莞蘭今南越人采以為席以紫月爾為一物云即紫紫也陸氏所見說文是唐初之本可以證郭注之失今說文以紫為月爾者是俗儒因郭注二物不同改說文以合之也後漢書馬融傳註其芸植廣雅註紫紫也李時珍曰紫其似蘇有花而味苦謂之迷蕨初亦可食齊民要術引詩義疏紫菜也葉狹長二尺食之微苦即今莫菜也詩彼汾沮洳言采其莫傳云莫菜也陸璣疏云莫莖大如箸赤節節一葉似柳葉厚而長有毛刺今人纔以取蘭緒其味酢而滑始生可以為羹又可生食五方通謂之酸迷冀州人謂之乾

絳河汾之閒謂之莫六書故其有二有蔽其有恒其蔽其  
初出土紫色拳如小兒手可會其根掘而擣之取粉可食  
凶年以禦飢謂之烏味亦謂烏稷詩釋文云蔽初生  
似鼈脚故名焉馥謂卽蔽其故戴云拳如小兒手

𦵏

免葵也從艸稀省聲

香衣切

免葵也者釋草文郭云頗似葵而小葉狀如葵有毛灼啖  
之滑御覽引廣志菟葵倫之可食本草菟葵味甘寒唐本  
注云苗如石龍芮而葉光澤花白似梅其莖紫黑煮汁極  
滑堪噉爾雅釋草一名菟葵所在平澤皆有田閒人多識之  
衍義云唐劉夢得還京云唯菟葵燕麥動搖春風者是也  
稀省聲者徐鍇本作希聲王君念孫曰考說文稀字注  
云疏也從禾希聲徐鍇辭之云當言從禾又巾無聲字後  
人加之爻者稀疏之義與爽同意巾亦是其稀象至菟與  
睪皆從稀省何以知之說文巾部爻部並無希字以是知  
之念孫按徐鍇以爲菟稀皆從稀省故徐鉉於菟字注改  
爲從艸稀省聲也今考說文菟稀睪稀部稀係缺稀稀十  
字並從希聲又昕字注云讀若希則本書原有希字明甚  
稀字而外從希聲者尙有九  
字又可一一改爲稀省聲乎



夢

灌淪從艸夢聲讀若萌

莫中切

灌淪者孫君星衍曰釋草其萌蘗淪萌與夢通蘗淪即權與釋詁權與始也郭注以淪屬下非是馥案釋草葍華葍蘗葍蘗蘗蘗亂其萌蘗淪葍葍華葍蘗葍蘗也亦以淪屬上郭注爾雅方言山海經諸書但引字林而不及說文葍葍未見許書也廣雅夢蘗也呂氏春秋任地篇予能使葍葍夷非淫乎高注淫延生也馥謂夢即延生之別出者也讀若萌者惠棟曰鄭康成云齊人謂萌為蒙說文云夢讀若萌是古萌蒙夢同音錢君大昭曰大戴禮孟春百草權與羽獵賦傳物權與於內徂落於外萌者始生也萌與夢通故言讀若馥案月令草木萌動莊子則陽篇兼葍

始萌

夢

盜庚也從艸復聲

房六切

案夢當作夏夏從商省商從高省凡各部偏勑作夏之字並當改從夏復古編筆迹小異字有夏夏二體亦以夏為正盜庚也者釋草文郭云庭復似菊本草旋復花一名戴椹一名金沸一名盛椹生平澤川谷陶云出近道下涇地似

菊花而大圖經云今所任有之二月以後生苗多近水旁  
大似紅藍而無刺長一二尺已來葉如柳莖細六月開花  
如菊花小銅錢大深黃色  
上黨田野人呼爲金錢花

艸

卷耳也從艸令聲

郎丁切

卷耳也者釋草卷耳苓耳郭云廣雅云泉耳也亦云胡泉  
江東呼爲常泉或云苓耳形似鼠耳叢生如盤詩周南采  
采卷耳傳云卷耳苓耳也陸疏葉青白色似胡荽白華似  
莖蔓生可煮爲茹滑而少味四五月中生子如婦人耳中  
瑤今或謂之耳瑤幽州人謂之爵耳廣雅苓耳施常泉胡  
泉泉耳也本草葉耳實一名胡荽一名地葵一名施一名  
常思生安陸川谷及六安田野陶云此是常思菜俗人皆  
食之以葉覆麥作黃衣者一名羊負來昔中國無此言從  
外國逐羊毛中來圖經云詩人謂之卷耳爾雅謂之苓耳  
廣雅謂之葉耳皆以實得名也離騷資葉施以盈室兮王  
注施泉耳也淮南覽冥訓位賤尙榮高云尙主也泉泉耳  
菜名也幽蓼謂之檀菜離下謂之胡泉主是官者至微賤  
也陳啓源曰卷耳卽今藥中蒼耳子也異名最多曰苓耳  
曰施曰葉耳曰胡荽曰耳瑤草曰胡荽曰爵耳曰羊負來

說文解字義證

卷三

聖

通鑑纂要卷三

日常葉陶隱居云俗人皆食之謂之常思菜常思者其常  
葉之藹乎列子釋文引蒼頡篇云藹目一名蒼目埤雅引  
荆楚記亦同卷曰  
之即為蒼目信矣

艸

艸也從艸艸聲一曰藹

古送切又  
古禪切

一日藹昔者本草蕙以仁一名藹陶云出交趾  
者子最大彼土呼為藹珠集韻作芋云蕙以子

藹

茅藹也一名藹從艸藹聲

渠營切

茅藹也者釋草藹藹茅郭云藹華有赤者為藹藹藹一種  
耳離騷索藹茅以廷蓊王逸云藹茅藹草也一名藹者  
藹當為藹本書藹艸也楚謂之藹秦謂之藹藹地連華詩  
有女同車顏如藹華陸疏藹一名藹其華有兩種一種莖  
葉細而香一種  
莖赤而有臭氣

藹

藹也從艸富聲

方又切

藹也者藹藹聲相近釋草藹雀弁郭云未詳翟灝補注云  
詩小雅言采其藹陸璣疏曰藹一名藹河內人謂之藹藹

州人謂之蕪蒿一名爵弁有兩種一種莖葉細而香一種莖亦有臭氣爵弁名爲此文確證裝則莞之傳寫別舊本莞或作蕪惟文云莞又古本反可驗也儀禮士冠禮爵弁服總裳注曰爵弁色赤而微黑如雀頭然此草既借以立名則詩疏兩種中可斷爲赤莖之一種後文蒿管則莖葉細而香者也郭氏以蒿莖爲蒿之赤者故致此不得解離騷索蕪茅以筵尊王逸章句謂蕪香茅若赤蒿則有臭氣豈得云香草乎今詩正義省節陸氏義疏不著爵弁名古文爲蕪賈思勰齊民要術所引河內謂之葦又別見毛晉陸疏廣要管子地員篇其草蒿與蕪風土記蒿蔓生披樹結實也狀如牛角一枝數枚味甘如蜜一名甘蕪夏統別傳注云蕪蒿也詩小雅我行其野言采其蕪傳云蒿惡菜也箋云蒿蒿也亦仲春時生可采也蕪謂惡菜卽陸疏有臭氣者本草通草生石城山谷及山陽陶云今出近道繞樹藤生汁白莖有細孔兩頭皆通含一頭吹之則氣出彼頭者良或云卽蕪藤莖唐本注云此物大者徑三寸每節有二三枝枝頭有五葉其子長三四寸核黑瓢白食之甘美南人謂爲蕪蕪或名烏蕪今言蒿藤蒿蕪聲相近爾陳士良食性本草云蕪蕪子是木通實莖名木通顧案唐本蕪蕪卽陸疏蕪蒿乃藥中木通本草謂之通草今婦女



令人下痢揚州謂之羊蹄幽州謂之蓬一名蔣本草羊蹄  
味苦寒一名蓄陶云今人呼爲禿菜卽是蓄音之訛圖經  
云詩小雅言采其蓬蓬字或作蓄並恥六切  
蔣案味苦寒故多嗽下痢毛傳所謂惡菜也

艸

由蔣也從艸由聲

徒歷切又他六切

蔣也音釋艸文

艸

易艸枝枝相值葉葉相當從艸易聲

楮羊切

艸枝枝相值葉葉相當者吳晉本草身頭一名莖葉四四  
相當復謂易莖聲相近又案黃芩葉兩兩四四相值亦見  
吳本草詩枝枝自相對葉葉自相當

艸

嬰蔣也從艸嬰聲

於六切

嬰蔣也者詩豳風六月食鬱及蔣傳云蔣嬰蔣也戴侗曰  
詩七月所謂蔣卽嬰蔣也蔓生類蒹桃六月熟國語建諺云  
嬰蔣熟食新粥正詩六月所食也廣雅燕蔣蔣蔓也魏王  
花木志燕蔣實如龍眼黑色說文謂之嬰蔣詩疏一名車

車蔣多蔣蔣

鞅藤蘇恭云按蔓草是山蒲桃折斷藤吹氣出一頭如通草以水浸吹取氣滴目中去熱翳赤障

𦰩

馬藍也從艸咸聲

咸深切

馬藍也者釋草文郭云今大葉冬藍也本草圖經藍有數種有菰藍可以為縠者亦名馬藍爾雅所謂蒧馬藍是也史記司馬相如傳其高燥則生蒧蒧苞蒧徐廣曰蒧馬藍也漢書音義張揖曰蒧馬藍也通志馬藍田野人以爲菜茹

𦰪

艸也可以束從艸魯聲

郎古切

艸也可以束者釋草蒧蒧郭云作蒧且草那疏以爲蒧類

𦰫

舊或從囟

舊或從囟者本書

檜或從囟與此同

𦰬

艸也從艸𦰬聲

苦怪切

艸也者廣雅蘋蓴也成九年左傳雖有絲麻無束菅蒯  
淮南說林訓有羅紩者必有麻蒯邱遲為范術軍議梁臺  
侍中表麻絲是蒿菅蒯靡遺馥案故可為繩索西京賦草  
則蒹葭菅蒯李注引聲類蒯草中為索史記孟嘗君傳馮  
先生甚貧猶有一劍目又蒯緱集解云蒯苦怪反茅之類  
可為繩言其劍把無物可繫以小繩纏之是也又可為席  
王藻出村履蒯席注云蒯席澀便於洗足也三輔黃圖上  
林苑中蒯池生蒯草以織席宋書禮志蒯席各二不設茵  
蓴古者席紫江左川蒯是也又可為屨喪服傳疏屨者蓴  
蒯之菲也足也 屨聲者本書無屨字廣韻屨太息玉篇  
屨屨息即噴字義爾雅屨郭音苦槩反又作噴左傳膳宰  
屠蒯禮記作杜賁本書噴或作聲俗作蒯者玉篇蒯斷也  
蒯所也蒯又蒯之俗體徐鉉謂最字之省而聲不相近最  
小字本作寂寂聲皆近但本書別有最字寂聲皆誤也  
六書故引作屨注云疾正  
切此則聲不相近者也

艸

艸也可以烹魚從艸婁聲

力朱切

艸也者玉篇蒹葭蒿也詩漢廣蒹蒹錯薪言刈其蒹傳云  
蒹草中之翹翹然釋文云馬云蒹蒿也陸疏云其葉似艾

重刊多誤



說文解字義證

卷三

國

靈戶楊氏采

白色長數寸高丈餘好生水邊及澤中正月根芽生有莖  
正白生食之香而脆美其葉又可蒸為茹王逸注大招云  
蓂香草也本草綱目蓂蒿生陂澤中二月發苗葉似嫩艾  
而岐細面青背白其莖或赤或白其根白脆采其根莖生  
熟蒲曝皆可食益嘉蔬也景差大招云吳陂蒿葉不需蒲  
謂吳人善調酸醃陂蓂以為齋其味不濃不薄而甘美也  
可以烹魚者烹小字本作亨釋草贖蓂  
蓂郭注云蓂蓂蓂蒿也今江東用羹魚

艸

艸也從艸晶聲詩曰莫莫葛藟一曰秬鬯也

力軌切

艸也者廣雅藟藤也後漢書崔駰傳條垂藟蔓注云藟藤  
也易困卦上六困于葛藟正義云葛藟引蔓纏繞之草所  
同幽通賦覽葛藟而援余兮眷峻谷曰勿墜顧體之啓蒙  
記濟天台山后橋者援女蘿葛藟之莖文六年左傳葛藟  
猶能庇其本根注云葛之能藟蔓繁滋者以木枝蔭麻之  
多複案葛藟藟艸杜謂葛之藟蔓非是詩樛木葛藟藟之  
箋云木枝以下垂之故故葛也藟也得蒙而蔓之寫婦賦  
顧葛藟之蔓延兮李善云葛藟二草名漢書楊王孫傳葛  
藟為緘頭云藟亦草名葛之類也通作蒙釋本諸慮山蒙  
郭注今江東呼蒙為藤似葛而纏大押韻釋蒙似葛葉

似艾白色子亦可食 𦵏啓者本書無𦵏字 𦵏𦵏𦵏皆從  
𦵏 𦵏玉篇𦵏音雷田閑也 詩曰莫莫葛藟者大雅旱麓  
文 一曰𦵏𦵏也者劉向九歎葛藟藟於桂樹今王注葛  
藟巨荒也齊民要術引詩義疏藟巨荒也周易困卦釋文  
引詩疏藟一名巨荒詩穆  
木正義引作巨荒誤也



棘菟也從艸兔聲

於元切

棘菟也者釋草蕒繞棘菟郭注今遠志也似麻黃赤華葉  
鋸面黃廣雅王連棘菟遠志也其上謂之小草本草遠志  
味苦溫葉名小草一名棘菟一名蕒繞一名細草生泰山  
及宛句川谷周經云遠志根黃色形如蒿根苗名小草似  
麻黃面青葉亦有似大青而小  
者三月開花白色根長及一尺



芘艸也從艸此聲

將此切

芘艸也者廣雅芘芘草也西山經勞山多芘草郭注一  
名芘芘中染紫也御覽引本草作紫草周禮掌染艸掌以  
春秋斂染艸之物注云染艸紫茆之屬本草紫草一名紫  
丹一名紫葳唐本注云苗似蘭香莖赤節青花紫白色而

實白列仙傳商客能致紫草賣與染家博物志平氏陽山紫草特好其他者色淺廣志隴西紫草紫之上者木書苑

此苑名醫別錄紫苑一名紫菀

艸

此艸也從艸類聲

莫覺切

此艸也者釋草文彼作艸郭云可以染紫

艸

烏喙也從艸則聲

阻力切

鹽鐵論誅秦篇雖以進壤廣地如食莢之充腸也廣雅燕奚毒附子也一歲為莢子二歲為烏喙三歲為附子四歲為烏頭五歲為天雄名醫別錄作側子陶云此即附子邊角之大者唐本注云側子只是烏頭下共附子天雄同生小者側子與附子皆非正生謂從烏頭旁出也以小者為側子大者為附子今稱附子角為側子理必不然雷公炮炙論偏體癰風冷調生側元和郡縣志龍州貢烏頭附子天雄側子

烏喙也者御覽引作烏頭也吳普本草烏頭始生葉厚莖方中空葉四四相當與蒿相似烏喙形如烏頭有兩岐相

合如烏之喙名曰烏喙也淮南繆稱訓天雄烏喙藥之因  
奇也以醫以活人史記蘇秦列傳臣聞飢人所以飢而不  
食烏喙者為其偷充腹而與餓疾同患也索隱今之毒藥  
烏頭是急就篇烏喙附子椒荒華顏注烏喙形似烏之喙  
也附子附大根而旁出也此與烏頭側子天雄木同一種  
但以年歲遠近為殊採之有異功用亦別神農本草夏至  
之日豕首菜葉先生為吐蠱烏喙使晉語置莖於肉賈逵  
云莖烏頭也博物志烏頭天雄附子一物春秋冬夏采各  
異也淮南主術訓天下之物莫因於雞毒然而良醫藥而  
藏之有所用也高云雞毒烏頭也四民月令三月可采烏  
頭范子計然烏頭出三輔中白者善後  
魏書何奴秋收烏頭為毒藥以射禽獸



茅蒐茹蘆人面所生可以染絳從艸從鬼

所鳩切

茹蘆形如小兒拳吾鄉  
青州有之多生祠廟側

茅蒐茹蘆者釋草茹蘆茅蒐詩東門之暉茹蘆在阪傳云  
茹蘆茅蒐也釋文茹蘆茅蒐情草也周禮掌染草掌以春  
秋敬染草之物注云染草茅蒐之屬中山經麓山其陰多  
蒐注音按茅蒐今之萑草詩出其東門縞衣茹蘆傳云茹

也奇多變也


詩文解字義說卷三

吳

靈石楊氏

苧茅蒐之染及服也木書韎茅蒐染韋也詩韎韐有奭箋云韎韐者茅蒐染也人血所生可以染絳者當在苧下

從鬼者當云鬼聲詩鄭箋云茅蒐韎韐聲也韋昭云急疾呼茅蒐成韎



茅蒐也從艸西聲

切

本書結赤繪也以茜染故謂之結史記貨殖傳若千畝危

茜徐廣曰茜一名紅藍其花染繪赤黃也廣雅地血茹薦

謂也陸氏詩疏茹薦茅蒐蒨草也一名地血寰宇記光

州出茜草泉州貢紅花蒨緋蒨案字或作蒨雜記注云蒨

染赤色者也定四年左傳分康叔以大路少帛蒨蒨蒨杜

云蒨蒨大赤取染草名也土冠禮注云蒨蒨鄭駁異義蒨草名齊魯

茅蒐因以名焉今齊人名蒨為蒨蒨鄭駁異義蒨草名齊魯

之閭言蒨蒨聲如茅蒐字當作蒨陳西人謂之蒨范子計然

蒨根出北地

赤色者善也

茅蒐也者一切經音義十五引云茅蒐也人血所生可以

染絳字從西聲本草圖經蒨根染緋草也許慎說文解字

以為人血所生通志蒨亦作蒨蒨可以染緋故曰地血亦曰

茹蒨曰茅蒐齊人謂之茜蒨葉龕濯而根紅故許慎謂人

血所生玉篇云說文曰茜茅蒐可以染絳郭注爾雅今之  
蒨也可以染絳本草蒨根可以染絳一名地血一名茹蘆  
一名茅蒐一名蒨陶云此卽今染絳蒨草也韋昭國語注  
茅蒐絳草卽今之蒨也魏報倭女王蒨絳五十匹葭案人  
血所生可以染絳入字今誤在蒐  
下西晉者本書遷或從手西

𦰩

赤蘼也從艸隸聲

息利切

赤蘼也者廣雅華蘼也玉篇蒨蘼也蘼謂華當  
爲蘼蘼當爲蘼赤蘼者蓂莖葉有赤文者也

𦰩

杜蘅也從艸辟聲

蒲計切

杜蘅也者釋草文郭云未詳案漢書司馬相如傳薛莎青  
蘋張揖曰薛蘅蒿釋草草蘋蘅郭云今蘅蒿也初生亦可  
食詩呦呦鹿鳴食野之苹箋云草蘅蘅也陸疏葉青白色  
莖似筍而輕脆始生時可生食又可蒸食蘅謂草薛一聲

轉之

𦰩

杜榮也從艸忌聲

武方切

杜榮也者釋草文郭云今荻草似茅皮可以為繩索履屬也華嚴經音義荻草一名杜榮西域既自有之江東亦多此類其形似荻皮重若笋雜字解詁荻杜榮御覽引俗說劉真長織荻屨以養母齊書沈瑀使吏著荻屨梁書童壽云脫青袍著荻屨陳書沈眾恆穿布袍荻屨本草敗荻箔云今東人作箔多草為之六書故有黃荻白荻白荻柔忍不及黃荻韻案又有青荻風土記云美朱爽之輕屨朱爽赤縹為屨輕似青荻草



艸也南陽以為屨履從艸包聲

布交切

艸也者漢書司馬相如傳其高燥則生葳析苞蒹張揖曰苞蒹也本書蒹一日葳屬南陽以為屨履者葳當為蒹本書蒹草履也曲禮苞蒹扱衽厭冠不入公門注云苞蒹也齊衰蒹蒹之菲也



冰臺也從艸又聲

五蓋切

急就篇半夏皂莢艾葉吾四民月令三月可采艾本草圖經艾初春布地生苗莖類蒿而葉背白以苗短者為佳采葉暴乾經陳久方可用孟子七年之艾詩采葛彼采艾今傳云艾所以療疾師曠占歲欲病病草先生艾是也

孔璠之艾賦艾正而賤蘭妖而

珍言堯則桀對舉蘭則艾因

冰臺也者釋草文郭云今艾蒿本草艾葉一名冰臺離騷

戶服艾以盈要兮注云艾白蒿也或言艾非芳草一名冰

艸也從艸章聲

諸良切

艸也者玉篇章

楚葵也從艸斤聲

巨巾切

謝靈運山居賦以芹為水草

祭統水草之類注云芹萌之

屬周處風土記萍蘋片菜之別名也

詩泂水薄采其芹

箋云片水菜也正義云采菽云葵沸溢泉言采其芹片生於

泉水是水菜也本草水薺味甘平一名水英生南海池澤

陶云其二月三月作英時可作菹及熟餹食之別本注云即

片菜也片有兩種茯苓取根白色赤片取葉葉堪作菹及

生噉蜀本圖經云生水中葉似芍藥花白色而無

實根亦白色五音集韻片水菜食之宜丈夫

說文解字義證

卷三

哭

連筠移叢書



楚葵也者釋草文郭注今水中芹菜呂氏春秋  
本味篇雲夢之芹高注雲夢楚澤芹生水涯

𦵏

豕首也從艸𦵏聲

側鄰切

豕首也者釋草文釋草云黃菟瓜蒌豕首御覽引孫炎  
云黃一名瓜裂是孫以蒌屬上以蒌爲豕首正與本書同  
周禮掌染草掌以春秋敬染草之物鄭注染草茅蒐紫蘆  
豕首紫蒌之屬呂氏春秋任地篇凡草生藏日中出稀首  
生而麥無葉而從事於蓄藏此告民完者也高注凡草庶  
草也日中春分也衆草生而出也稀首草名也至其生時  
麥無葉皆成熟也完畢也刈麥畢也榷案神農本草經夏至  
之日豕首先生此正麥熟時吳普曰六月花八月九月實  
是夏生秋實即天門精也本草天門精味甘寒一名麥句  
藍一名蝦蟇藍一名豕首一名天門精一名玉門精一名  
龍腦一名蟾蜍腦一名親生平原川澤陶隱居云此即今  
人呼爲稀發亦名稀首味至苦而云甘恐或非是唐本注  
云鹿活草是也別錄一名天蔓菁南人名爲地菰味甘辛  
故有豈稱狀如藍故名蝦蟇藍香氣似蘭故名蟾蜍蘭其  
稀發苦而臭名精辛而香全不相類也榷案天門精即豕  
首並非稀發唐本誤之是也以爲鹿活草者又名劉耨草

異苑云宋元嘉中青州劉愷射中一蠶既剖五藏以此草  
寒之驟然而起去之則仆如此者三是以知其治折傷故  
其草得鹿活  
劉愷之名



寄生也從艸身聲詩曰葛與女蘿

都了切

寄生也者釋木寓木宛童郭云寄生樹一名葛中山經龍  
山上多寓木郭云寄生也易林旅之乾寄生無根後漢書  
注百草至寒皆凋落惟寄生獨榮於桑上唐書李德裕傳  
松柏之為木孤生勁特無所因依蘿葛則不然弱不能立  
必附他木瓊宇記黃州出松蘿本草桑寄生一名寓木一  
名宛童一名葛陶云桑上者名桑寄生耳詩人云施于松  
上則各隨其樹名之生樹枝間寄根在皮節之內葉圓青  
赤厚澤易折萌白生枝節冬夏生四月花白五月實赤大  
如小豆唐本云此多生檲櫟水楊楓等樹上子黃大如  
小棗子惟號州有桑上者子汁甚黏核大似小豆葉無陰  
陽如細柳葉而厚軟莖短實九月始熟而黃今稱五月  
實赤大如小豆蓋陶未見也詩曰葛與女蘿者小雅頍  
弁文傳云葛寄生也釋文云葛說文音弔寄生草也陸疏  
云葛一名寄生葉似當廬子如覆盆子赤黑甜美女蘿今

兔絲蔓連草上生黃赤如金今合藥兔絲子是也  
非松蘿松蘿自蔓松上生枝正青與兔絲殊異

芎或從木

芎或從木者爾雅釋文芎說文或作楊  
漢費鳳別碑楊與文蘿性樂松之茂好

艸云艸也似目宿從艸云聲淮南子說芸草可以死復生

王分切

夏小正正月采芸二月榮芸 隋書律歷志所載月令冬至  
次候芸始生 成公綏芸香賦莖葉類秋竹葉象春槐 傅咸  
芸香賦繁茲綠蕊茂此翠莖葉茂從以纖折兮枝婀娜以回  
榮象春松之含曜兮鬱蒼蔚以蔥青 魚豢魏畧芸臺香辟  
紙魚蠹故藏書臺稱芸臺 景福殿賦芸若充庭 晉宮閣  
名太極殿前芸香四畦式乾殿前芸香八畦 洛陽宮殿簿  
顯陽殿前芸香一株徽音殿前  
芸香二株含英殿前芸香二株

艸也者月令仲冬之月芸始生注云芸香草也皇疏云應  
陽氣而生後漢書陳寵傳十一月有蘭射干芸茹之應注

云芸香草又馬融傳其芸菹注云芸香草也說文云似  
苜蓿夢籛筆談芸香草也今人謂之七里香者是也葉類  
豌豆作小叢生其葉極芬香秋開葉開微白如粉汚辟蠹  
殊驗馥案芸亦菜屬倉頡解詁芸蒿似邪蒿香可食急就  
篇芸蒜薺芥菜莢香顏注芸即今芸蒿也生熟皆可嚼呂  
氏春秋本味篇陽華之芸注云芸芳菜也在吳越之閬  
似日宿者玉篇作苜菹引漢書屬賓國多苜菹宛馬所嗜  
漢書西域傳大宛國馬嗜苜菹漢使采苜菹陶日宿種歸益  
種蒲陶日宿離宮館旁極望焉顏注今北道諸州舊安定  
北地之境往往有苜菹者皆漢使所種也本草苜菹陶云  
長安中乃有苜菹陶外國復別有苜菹草荀義云唐李白  
詩云天馬常啣苜菹花是此陝西甚多飼牛馬嫩時人兼  
食之西京雜記苜菹一名懷風時人或謂之光風風在共  
陽常肅肅然日照其花有光采故名苜菹為懷風茂陵人  
謂之連枝草晉書武帝登凌雲臺望見華廐苜菹陶阡陌  
甚整郭仲產仇池記城東有苜菹園馥案或借牧字後漢  
書馬融傳其土毛則推牧薦草牧即日宿又或作菹郭璞  
爾雅注今謂牛芸草為黃華葉似菹菹淮南子說者廣  
韻引作淮南王說本書蠅下亦引淮南王安著鴻烈二十  
灰復生者疑出萬畢術西京雜記淮南王安著鴻烈二十

一篇鴻大也烈明也言大明禮教號為淮南子一曰劉安子腹案即今所傳淮南子無芸灰復生之說金樓子云淮南王作內書二十一篇外書甚眾又有中篇言神仙黃白之術亦二十餘萬言今皆不傳

艸

艸也從艸𠂔聲

𠂔最切

律

艸也從艸律聲

呂戊切

艸也者本草律草生故墟道旁唐本注云葉似草麻而小薄蔓生有細刺俗亦名葛華蔓圖經云今處處有之花黃白亦類麻子又名葛勒蔓

刺

刺也從艸束聲

楚革切

刺也者釋草文彼作刺郭云草刺針也廣雅策刺箴也方言凡草木刺人北燕朝鮮之國謂之策自關而西謂之刺江湘之關謂之棘

瞽

瞽婁果贏也從艸昏聲

古活切

淮南時則訓孟夏之月王瓜生高注王瓜色赤感火之色而生呂氏春秋孟夏之月王善生高注善或作瓜瓠瓠也是月乃生急就篇芎藭厚朴桂栝樓顏注栝樓一名果臝一名王瓜亦曰天瓜禮月令孟夏之月王瓜生鄭康成以爲草挈非也陸機瓜賦栝樓定陶元和志陝州貢瓜蓂

蓂婁果臝也者果臝小字本及李燾本竝作果臝集韻類篇亦引作果臝李時珍曰栝樓一名果臝臝與蘇同許慎云木上曰果地曰臝此物蔓生附木故得兼名栝樓卽果臝二字音轉也亦作蘇蘇後人又轉爲瓜蓂愈轉愈失其真矣古者瓜姑同音故有澤姑之名陶風東山果臝之實亦施于字毛傳果臝栝樓也釋草果臝之實栝樓李巡曰栝樓子名也孫炎曰齊人謂之天瓜本草栝樓根味苦寒一名地樓一名果臝一名天瓜一名澤姑實名黃瓜生洪農川谷及山陰地陶云出近道藤生狀如土瓜而葉有又毛詩云果臝之實亦施于字其實今以雜作手膏川酸案魏武帝上雜物疏有純銀澡豆隨純銀栝樓匳皆手膏器也

艸  
艸  
艸  
須從也從艸封聲  
府容切

須從也者釋草文當云須葑從脫葑字孫炎曰須一名葑  
 從御覽引舊注江東呼蕪菁為菰字林葑蕪菁苗也乃齊  
 魯云詩邯鄲風谷風采葑采菲傳云葑須也箋云蔓菁也釋  
 文葑徐音豐字書作蔓郭璞云今菰菜也坊記引詩采葑  
 采菲注云葑蔓菁也詩桑中爰采葑矣箋云葑蔓菁方言  
 蕪蕪蔓菁也陳楚之閒謂之蔓齊魯之郊謂之蕪關之東  
 西謂之蕪芥郭注蔓菁音蜂今江東音嵩字作菰也馥案陶隱  
 居云蕪菁根細於溫菰而葉似菰然其根及作菰皆好但  
 小蕪良爾齊民要術云菰菜似蔓菁無毛而大詩谷風釋  
 文云江南有菰江北  
 有蔓菁相似而異



蕪黎也從艸齊聲詩曰牆有蕪

疾杏切又祖禮切

蕪黎也者釋草文彼作茨玉篇蕪蕪黎也離騷蕪菁菰施以  
 盈室兮王注蕪蕪黎也詩曰楚楚者蕪大戴禮采玉藻  
 作采齊鄭注齊當讀為楚蕪之蕪周禮春官樂師趨以采  
 蕪容齊三筆茨為蕪蕪切鄭語也詩楚茨箋云茨蕪黎也  
 尹文子堯為天子土階三尺茅茨不翦文三年穀梁傳茅  
 茨盡矣范云茨蕪蕪梁翼別傳子產治鄭蕪黎不生師曠

占歲欲旱旱草先生蒺藜是也說苑辨物篇晉平公布蒺藜於階上召師曠師曠解履刺足元和郡縣志同州貢蒺藜子本草蒺藜子一名卽黎一名茨生馮翊平澤或道旁陶云多生道上而葉布地子有刺狀如菱而小長安最饒人行多著木屐今軍家乃鑄鐵作之以布敵路名鐵蒺藜易云據于蒺藜言其因傷詩云牆有茨不可掃也以刺梗穢也藪案藝文類聚引本書齊艸可食也御覽引同詩即風誰謂荼苦其甘如薺廣雅薺薺魚薺也呂氏春秋仲夏紀陰陽爭於生分注云薺麥亭歷棘刺之屬或又任地篇孟夏之昔穀三葉注云薺亭歷薺也是月之季枯或春秋繁露天地之行篇薺以冬美冬水氣也薺甘味也乘於水氣而美者甘勝寒也薺之言濟所以濟大水也藪謂薺下當有蒺藜一日艸可食二義今脫缺詩曰牆有薺者應風文彼作茨傳云茨蒺藜是也

艸 策也從艸刺聲 七賜切

策也者玉篇薺  
莖也草木針也

葦 葦也從艸童聲杜林曰萬根 多動切



鼎蓋也者釋草蘋蘩黃戴何引舊注狀似蒲而細可為席亦可為索廣雅蘋蘩也杜林曰蒲根者廣韻蘋蒲根

𦵏 狗毒也從艸繫聲 古詣切

狗毒也者釋草文樊光云俗語苦如蘋

𦵏 艸也從艸𦵏聲 蘇老切

艸也者廣韻𦵏𦵏𦵏草釋草𦵏𦵏注云今蘋蘩也或曰雞腸草本草蘋蘩味酸平陶云此菜人以作藥唐本注云此草即是雞腸也多生溼地坑渠之側陶經云葉似荇菜而小夏秋開生小白黃花其莖梗作蔓斷之有絲縷又細而中空似雞腸因得此名也又本草雞腸草陶云小兒取按汁以符蜘蛛網至黏可撥蠲唐本注云此草即繁縷是也

𦵏 地黃也從艸下聲禮曰鉗毛牛薤羊芡薇是 庚古切

地黃也者釋艸文郭云一名地髓江東呼羊芡廣雅地髓地黃也後燕鐵符后冬須生地黃下有司切責本草地黃一

名地鼈一名芑一名芑生咸陽川澤黃土地者佳圖經云二月生葉布地便出似車前葉上有皺文而不光高者及尺餘低者三四寸其葉似油麻花紅紫色亦有黃花者其實作房如連翹子甚細而沙褐色根如人手指通黃色脆細長短不常禮曰云云者公會大夫禮記文彼作苦鄭注苦茶也古文苦爲枯今文或作芑特牲饋食禮記銅芑用苦若薇注云苦苦茶也今文苦爲芑芑乃地黃非也詩采菽傳云菽可以芑太牢羊則苦豕則微馥案毛傳用苦字亦不以爲地黃

艸命白薺也從艸僉聲

良丹切

白薺也者一切經音義十七引說文薺白薺也蔓生於野也釋草葉莢薺本艸白薺一名莢核嘉祐圖經云二月生苗多在林中作蔓赤莖葉如小桑五月開花七月結實根如雞鴨卵三五枚同窠皮赤黑肉白薺案別有赤薺烏薺故此稱白詩葛主薺蔓于野陸疏薺似枯樓葉盛而細其子正黑如燕莢不可食也幽州人謂之烏服其莖葉煮以哺牛除熱

𦰩 𦰩或從𦰩

或從𦰩者夏統別傳  
𦰩初生合米搗作粹

𦰩 𦰩黃荃也從艸金聲

𦰩切

黃荃也者俗作𦰩急就篇黃𦰩伏𦰩𦰩胡顏注黃𦰩一  
名空腸一名腐腸一名內虛一名𦰩婦廣雅𦰩𦰩黃文內  
虛黃𦰩也本草黃𦰩一名𦰩婦蓋𦰩𦰩之𦰩吳氏本草黃  
𦰩二月生葉兩兩四四相值莖空中或方或圓高三四尺  
四月花紫紅赤五月實黑根黃𦰩子計然黃  
𦰩出三輔色黃者善𦰩宇記解州土產黃𦰩

𦰩 𦰩也從艸今聲詩曰食野之𦰩

𦰩切

艸也者詩鹿鳴釋文引作蒿也廣韻𦰩𦰩藥名𦰩草名  
似蒿二說互誤吳越春秋句踐嘗吳王馭惡後遂病口臭  
范蠡令左右食𦰩草亂其氣詩曰食野之𦰩者小雅鹿  
鳴文傳云𦰩草也陸疏𦰩如𦰩股葉如竹蔓生澤中下地  
鹹處為草真寶  
牛馬亦喜食之

艸

鹿藿也從艸鹿聲讀若剽一曰蔽屬

牛表切

鹿藿也者廣雅同本草鹿藿書本注云苗似豌豆有蔓而長大入版以為菜亦微有豆氣名為鹿豆也錢君大昕曰釋草藺鹿藿蕉藺二字形聲全別然其致誤亦有由春秋楚子麋卒穀梁作卷卷樂皆相近蓋因蕉藺為麋又以聲轉為藺耳詩陳風邛有旨苕傳云苕草也陸疏苕苕繞也幽州人謂之魑饒蔓生形如勞豆而細葉似葵藿其莖葉綠色可生食如小豆藿也魏案本草蜀本圖經言鹿藿亦堪生吸挺苕蕉聲相近蓋一物歟一日蔽屬者喪服傳疏履者蕉蔽之非也曲禮苞屨扱衽注云苞蕉也齊衰苞蒯之非也子虛賦其高燥則生蒹葭苞蒯李善云苞蕉也六書故按記苞履不入公門鄭氏曰苞蕉也說文曰苞艸也南陽以為靈履何謂蔽屬即為履者履案蕉亦中為席玉篇蕉蔽屬可為席新唐書地理志靈昌郡貢蕉席

艸

綬也從艸鳥聲詩曰邛有旨鵲是

五狄切

綬也者釋草文彼作鵲郭注小草有雜色似綬詩曰邛有旨鵲是者陳風防有鵲巢文彼作鵲傳云鵲綬草也陸

疏鵠五色作綬  
文故曰綬草